

四庫全書薈要

• 乾隆御覽本

史部

欽定四庫全書薈要卷三千六百二十五

史部

史記卷四十七

漢

太

史

令司馬遷

撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

孔子世家第十七

索隱教化之主吾之師也為帝王之儀表示人倫之準的自子思以下代有哲人繼世象賢誠

可仰同列國前史既定吾無間然人孔子非有諸侯之位而亦稱系家者以是聖人為教化之主又代有賢哲故亦稱系家焉正義孔子無侯伯之位而稱世家者太史公以孔子布衣傳十餘世學者宗之自天子王侯中國言六藝者宗於夫子可謂至聖故為世家

孔子生魯昌平鄉陬邑

集解徐廣曰陬音騶孔安國曰陬孔子父叔梁紇所治邑索隱

陬是邑名昌平鄉號孔子居魯之陬邑昌平鄉之闕里也正義括地志云故鄆城在兗州泗水縣東南六十里昌平山在泗水縣南六十里孔子生昌平鄉蓋鄉取山為名故闕里在泗水縣南五十里輿地志云鄆城西界闕里有尼丘山按今尼丘山在兗州鄆城闕里即此也括地志云兗州曲阜縣魯城西南三里有闕里中有孔子宅宅中有廟伍緝之從征記云闕里背洙面泗即此也按夫子生在鄆長徙曲阜仍號闕里其先宋

人也曰孔防叔

索隱家語孔子宋微子之後宋襄公生弗父何以讓弟厲公弗父何生宋父周

周生世子勝勝生正考父考父生孔父嘉五世親盡別為公族姓孔氏孔父生子木金父金父生罕夷罕夷生

防叔畏華氏之逼而

防叔生伯夏伯夏生叔梁紇

正義括地

奔魯故孔氏為魯人

志云叔梁紇廟亦名尼丘山祠在兗州泗水縣五十里尼丘山東址地理志云魯縣有尼丘山有叔梁紇廟

紇與顏氏女野合而生孔子

索隱家語云梁紇娶魯之施氏生九女其妾生孟皮

孟皮病足乃求婚於顏氏徵在從父命為婚其文甚明

今此云野合者蓋謂梁紇老而徵在少非當壯室初笄

之禮故云野合謂不合禮儀故論語云野哉由也又先

進於禮樂野人也皆言野者是不合禮爾正義男八月

生齒八歲毀齒二八十六陽道通八八六十四陽道絕

女七月生齒七歲毀齒二七十四陰道通七七四十九

陰道絕婚姻過此者皆為野合故家語云梁紇娶魯施氏女生九女乃求婚於顏氏顏氏有三女小女徵在據此婚過六禱於尼丘得孔子魯襄公二十二年而孔子十四矣

生索隱公羊傳襄公二十一年十有一月庚子孔子生今以為二十二年蓋以周正十一月屬明年故誤也後序孔子卒云七十二歲每少一歲也生而首上圩頂索隱圩音烏頂音

也故孔子頂如反宇反宇者若屋宇之反中低而四旁高也正義括地志云女陵山在曲阜縣南二十八里干寶三日紀云徵在生孔子空桑之地今名空竇在魯南山之空竇中無水當祭時灑掃以告輒有清泉自石門出足以周用祭訖泉枯今俗名女陵山故因名曰丘云字仲尼姓孔氏丘

生而叔梁紇死索隱家語云生葬於防山正義括地志三歲而梁紇死防山在宛

州曲阜縣東二十五里禮記云孔子母合葬於防也

防山在魯東由是孔子疑其

父墓處母諱之也

索隱謂孔子少孤不的知父墳處非謂不知其營地徵在并年適於梁紇

無幾而老死是少寡蓋以為嫌不從送葬故不知墳處遂不告爾非諱之也

孔子為兒嬉戲

常陳俎豆

正義俎豆以木為之受四升高尺二寸大夫以上赤雲氣諸侯加象飾足天子玉飾也

設禮容孔子母死乃殯五父之衢

正義括地志云五父衢在兗州曲阜縣西

南二里魯城內衢道也

蓋其慎也

集解徐廣曰魯縣有闕里孔子所居也又有五父之衢也索隱

謂孔子不知父墓乃且殯其母於五父之衢是其謹慎也正義慎謂以紼引棺就殯所也

耶人

正義耶音

邨輓父之母誨孔子父墓然後往合葬於防焉孔子要

經季氏饗士孔子與往

正義與音預季氏為饌飲魯文
學之士孔子與迎而往陽虎以

孔子少故折之也

陽虎絀曰季氏饗士非敢饗子也

索隱家語
孔子之母

喪既練而見不非之也今此謂孔子實要經與饗為陽
虎所絀亦近誣矣一作要經要經猶帶經也故劉氏云

嗜學之意是也

孔子由是退孔子年十七魯大夫孟釐子病且

死索隱昭七年左傳云孟僖子病不能相禮乃講學之
及其將死召大夫云云按謂病者不能禮為病非疾

困之謂也至二十四年僖子卒賈逵
云仲尼時年三十五矣是此文誤也誠其嗣懿子曰孔

丘聖人之後

集解服虔曰
聖人謂商湯滅於宋

集解杜預曰孔子六
世祖孔父嘉為宋華

督所殺其其祖弗父何始有宋而嗣讓厲公

集解杜預
曰弗父何

孔父嘉之高祖宋愍公之長子厲公之兄也何嫡嗣當立以讓厲公也

及正考父佐戴武

宣公

集解服虔曰正考父弗父何之曾孫

三命茲益恭故鼎銘云

集解杜預曰三

命上卿也考父廟之鼎

一命而僂再命而偃三命而俯

集解服虔曰僂偃俯

皆恭敬之貌也循牆而走

集解杜預曰言不敢安行

亦莫敢余侮

集解杜預曰其恭如

是人亦不敢侮慢

饘於是粥於是以餬余口

集解杜預曰於是鼎中為饘粥饘粥

餬屬言至儉也

其恭如是吾聞聖人之後雖不當世必有達者

集解王肅曰謂若弗父何殷湯之後而不繼世為宋君也杜預曰聖人之後有明德而不當大位謂正考父

今孔丘年少好禮其達者歟吾即沒若必師之及釐子

卒懿子與魯人南宮敬叔往學禮焉

索隱左傳及系本敬叔與懿子皆孟

僖子之子不應更言魯人亦太史公之疎爾

是歲季武子卒平子代立孔子

貧且賤及長嘗為季氏史

索隱有本作委吏主委積倉庫之吏

料

量平嘗為司職吏而畜蕃息由是為司空已而去魯斥

乎齊逐乎宋衛困於陳蔡之間於是反魯孔子長九尺

有六寸人皆謂之長人而異之魯復善待由是反魯魯

南宮敬叔言魯君曰請與孔子適周

索隱莊子云孔子年五十一南見老

聃蓋系家亦依此為說而不究其旨遂俱誤也何者孔子適周豈訪禮之時即在十七耶且孔子見老聃云甚

矣道之難行也此非十七之人語也乃既仕之後言爾

魯君與之一乘車兩馬一

豎子俱適周問禮蓋見老子云辭去而老子送之曰吾

聞富貴者送人以財

索隱莊周財作軒

仁人者送人以言吾不

能富貴竊仁人之號

集解王肅曰謙言竊仁人之名

送子以言曰聰明

深察而近於死者好議人者也博辯廣大危其身者發

人之惡者也為人子者毋以有己

集解王肅曰身父母之有索隱家語作無

以有己為人子者

為人臣者毋以有己

索隱家語作無以惡己為人臣者王肅云言聽

則仕不用則去保身全行臣之節也

孔子自周反于魯弟子稍益進焉是

時也晉平公淫六卿擅權東伐諸侯楚靈王兵彊陵轢
中國齊大而近於魯魯小弱附於楚則晉怒附於晉則
楚來伐不備於齊齊師侵魯魯昭公之二十年而孔子
蓋年三十矣齊景公與晏嬰來適魯景公問孔子曰昔
秦穆公國小處辟其霸何也對曰秦國雖小其志大處
雖辟行中正身舉五穀正義百里奚也爵之大夫起纍紲之中
索隱家語無此一句孟子以為不然之言也與語三日授之以政以此取之

雖王可也其霸小矣景公說孔子年三十五而季平子

與郕昭伯以鬪雞故

正義郕音后括地志云鬪雞臺二所相去十五步在兗州曲阜縣東

南三里魯城中左傳昭二十五年季氏與郕昭伯鬪雞季氏芥雞翼郕氏為金距之處

得罪魯昭

公昭公率師擊平子平子與孟氏叔孫氏三家共攻昭

公昭公師敗奔於齊齊處昭公乾侯

正義相州城安縣東南三十里丘

故城本春秋時乾侯之邑

其後頃之魯亂孔子適齊為高昭子家臣

欲以通乎景公與齊太師語樂聞韶音學之三月不知

肉味

集解周氏曰孔子在齊聞習韶樂之盛美故忘於肉味也索隱按論語子語魯太師樂非齊太師也

又子在齊聞韶三月不知肉味無學之文今此合論語齊魯兩文而為此言恐失事實

齊人稱之

景公問政孔子曰君君臣臣父父子子

集解孔安國曰當此

之時陳恒制齊君不君臣不臣故以此對也

景公曰善哉信如君不君臣不

臣父不父子不子雖有粟吾豈得而食諸

集解孔安國曰言將危也

陳氏果減齊

他日又復問政於孔子孔子曰政在節財景公

說將欲以尼谿田封孔子

索隱此說出晏子及墨子其文微異

晏嬰進曰

夫儒者滑稽而不可軌法倨傲自順不可以為下崇喪

遂哀破產厚葬不可以為俗游說乞貸不可以為國自

大賢之息周室既衰禮樂缺有間

索隱息者生也言上古大賢生則有禮樂

至周室微而始缺有間也

今孔子盛容飾繁登降之禮趨詳之節累

世不能殫其學當年不能究其禮君欲用之以移齊俗

非所以先細民也後景公敬見孔子不問其禮異日景

公止孔子曰奉子以季氏吾不能以季孟之間待之

集解

孔安國曰魯三卿季氏為正卿最貴孟氏為下卿不用事言待之以二者之間也索隱劉氏奉音扶用反非也今奉音如字謂奉侍孔子如魯季氏之職故下文云以季孟之間待之也齊大夫欲害孔子

孔子聞之景公曰吾老矣弗能用也孔子遂行反乎魯孔子年四十二魯昭公卒於乾侯定公立定公立五年

夏季平子卒桓子嗣立季桓子穿井得土缶中若羊

集解

韋昭曰羊生羊也故謂之怪也索隱家語云桓子穿井於費得物如土缶其中有羊焉是也

問仲尼

云得狗

集解韋昭曰獲羊而言狗者以孔子博物測之

仲尼曰以丘所聞羊也

丘聞之木石之怪夔罔閭

集解韋昭曰木石謂山也或云夔一足越人謂之山繅也

或言獨足魍魎山精好學人聲而迷惑人也索隱夔音遠閭音兩家語作魍魎繅音騷然山繅獨一足是山神名故謂之夔夔一

水之怪龍罔象

集解韋昭曰龍神獸也非常見故曰怪或

足獸狀如人也

云罔象食人一名沐腫索隱沐腫音木踵

土之怪墳羊

集解唐固曰墳羊雌雄未成者也

吳

伐越墮會稽

集解王肅曰墮毀也索隱會稽山名越之所都墮毀也吳伐越在魯哀元年

得

骨節專車

集解韋昭曰骨一節其長專車專擅也

吳使使問仲尼骨何者

最大仲尼曰禹致羣神於會稽山

集解韋昭曰羣神謂主山川之君為羣神

之主故謂之神也

防風氏後至禹殺而戮之

集解韋昭曰防風氏違命後至故禹

殺之陳尸為戮

其節專車此為大矣吳客曰誰為神仲尼曰山

川之神足以綱紀天下其守為神

集解王肅曰守山川之祀者為神謂諸侯

也韋昭曰足以綱紀天下謂名山大川能興雲致雨以利天下也

社稷為公侯

集解王肅曰但

守社稷無山川之祀者直為公侯而已

皆屬於王者客曰防風何守仲尼

曰汪罔氏之君守封禺之山

集解韋昭曰封封山禺禹山在吳郡永安縣

太原元年改永安為武康縣今屬吳興郡

為釐姓

索隱釐音僖家語云姓漆蓋誤系本無漆姓

在

虞夏商為汪罔於周為長翟今謂之大人

集解王肅曰周之初及當

孔子之時其名異也

客曰人長幾何仲尼曰僬僥氏三尺短之至

也

集解韋昭曰僬僥西南蠻之別名也案括地志在大秦國北也

長者不過十之數之

極也

集解王肅曰十之謂三丈也數極於此也

於是吳客曰善哉聖人桓子

嬖臣曰仲梁懷與陽虎有隙陽虎欲逐懷公山不狃止

之

集解孔安國曰不狃為季氏宰索隱狃音女九反鄒氏云一作躁論語作弗擾

其秋懷益驕

陽虎執懷桓子怒陽虎囚桓子與盟而驛之

正義驛音釋

陽虎由此益輕季氏季氏亦僭於公室陪臣執國政是以魯自大夫以下皆僭離於正道故孔子不仕退而脩詩書禮樂弟子彌衆至自遠方莫不受業焉定公八年公山不狃不得意於季氏因陽虎為亂欲廢三桓之適

正義適音嫡

更立其庶孽陽虎素所善者遂執季桓子桓子

詐之得脫定公九年陽虎不勝犇于齊是時孔子年五十公山不狃以費畔季氏使人召孔子孔子循道彌久溫溫無所試莫能已用曰蓋周文武起豐鎬而王

索隱檢家

語及孔氏之書並無此言故桓譚亦以為誣

今費雖小儻庶幾乎欲往子路

不說止孔子孔子曰夫召我者豈徒哉如用我其為東

周乎

集解何晏曰興周道於東方故曰東周也

然亦卒不行其後定公以孔

子為中都宰一年四方皆則之

索隱家語作西方王肅云魯國近東故西方諸

侯皆取法則焉

由中都宰為司空由司空為大司寇定公十年

春及齊平

索隱及與也平成也謂與齊和好故云平

夏齊大夫犁鉏言於景

公曰魯用孔丘其勢危齊乃使使告魯為好會會於夾

谷

集解徐廣曰司馬彪云今在祝其縣也

魯定公且以乘車好往孔子攝

相事曰臣聞有文事者必有武備有武事者必有文備

古者諸侯出疆必具官以從請具左右司馬定公曰諾

具左右司馬會齊侯夾谷為壇位土階三等以會遇之

禮相見

集解王肅曰會遇之禮禮之簡略也

揖讓而登獻酬之禮畢齊有

司趨而進曰請奏四方之樂景公曰諾於是旌旄羽袞

矛戟劔撥鼓噪而至

索隱家語作萊人以兵鼓噪劫定公被音弗謂舞者所執故周禮樂

有被舞撥音伐

孔子趨而進歷階而登

索隱歷階謂歷階級也故王肅

撥謂大楯也

云歷階登

階不聚足不盡一等舉袂而言曰吾兩君為好會夷狄

之樂何為於此請命有司有司却之不去則左右視晏

子與景公景公心忤麾而去之有頃齊有司趨而進曰

請奏宮中之樂景公曰諾優倡侏儒為戲而前孔子趨

而進歷階而登不盡一等曰匹夫而熒惑諸侯者罪當

誅索隱熒惑謂經營而惑亂也家語作熒侮請命有司有司加法焉手足異

處景公懼而動知義不若歸而大恐告其羣臣曰魯以

君子之道輔其君而子獨以夷狄之道教寡人使得罪

於魯君為之奈何有司進對曰君子有過則謝以質小

人有過則謝以文君若悼之則謝以實於是齊侯乃歸

所侵魯之鄆汶陽龜陰之田以謝過

集解服虔曰三田汶陽田也龜山名

陰之田得其田不得其山也杜預曰太山博縣北有龜

山索隱左傳鄆讎及龜陰之田則三田皆在汶陽也正

義鄆今鄆州鄆城縣在兗州龔丘縣東北五十四里故

謝城在龔丘縣東七十里齊歸侵魯龜陰之田以謝魯

魯築城於此以旌孔

子之功因名謝城

定公十三年夏孔子言於定公曰

臣無藏甲大夫毋百雉之城

集解王肅曰高大長丈曰堵三堵曰雉

使仲

由為季氏宰將墮三都

集解服虔曰三家之邑也

於是叔孫氏先

墮郕

集解杜預曰東平無鹽縣東南郕鄉亭正義括地志云郕亭在鄆州宿城縣東三十二里

季氏

將墮費公山不狃叔孫輒率費人襲魯公與三子入于

季氏之宮

集解服虔曰三子季孫孟孫叔孫也

登武子之臺費人攻之弗

克入及公側

集解服虔曰人有入及公之臺側

孔子命申句須樂頎下

伐之

集解服虔曰申句須樂頎魯大夫

費人北國人追之敗諸姑蔑

集解

杜預曰魯國卞縣南有姑蔑城正義括地志云姑蔑故城在兗州泗水縣東四十五里按泗水縣本漢卞縣也

二子犇齊遂墮費將墮成

集解杜預曰泰山鉅平縣東南有成城也正義括地志云

故郕城在兗州泗水縣西北五十里

公斂處父

集解服虔曰成宰也

謂孟孫曰墮成

齊人必至于北門且成孟氏之保郭無成是無孟氏也

我將弗墮十二月公圍成弗克定公十四年孔子年五十六由大司寇行攝相事有喜色門人曰聞君子禍至不懼福至不喜孔子曰有是言也不曰樂其以貴下人乎於是誅魯大夫亂政者少正卯與聞國政三月粥羔豚者弗飾賈男女行者別於塗塗不拾遺四方之客至乎邑者不求有司

集解王肅曰有司常供其職客求而有在也

皆予之以歸

索隱家語作皆如歸

齊人聞而懼曰孔子為政必霸霸則吾地近

焉我之為先并矣盍致地焉犁鉏曰請先嘗沮之沮之

而不可則致地庸遲乎於是選齊國中女子好者八十

人皆衣文衣而舞康樂

索隱家語作容璣王肅云舞曲名也

文馬三十駟

遺魯君陳女樂文馬於魯城南高門外季桓子微服往

觀再三將受乃語魯君為周道游往觀終日

索隱謂請魯君為周

徧道路游行因出觀齊之女樂

怠於政事子路曰夫子可以行矣孔子

曰魯今且郊如致膳乎大夫

集解王肅曰膳祭肉

則吾猶可以止

桓子卒受齊女樂三日不聽政郊又不致膳俎於大夫

孔子遂行宿乎屯

集解駟案屯在魯之南也索隱屯地名

而師已送曰夫

子則非罪孔子曰吾歌可夫歌曰彼婦之口可以出走

彼婦之謁可以死敗

集解王肅曰言婦人之口請謁足以憂使人死敗故可以出走也

蓋優哉游哉維以卒歲

集解王肅曰言仕不遇也故且優游以終歲

師已反

桓子曰孔子亦何言師已以實告桓子喟然嘆曰夫子

罪我以羣婢故也夫孔子遂適衛主於子路妻兄顔濁

鄒家

索隱孟子曰孔子於衛主顔讎由彌子之妻與子路之妻兄弟也今此云濁鄒是子路之妻兄所說

不衛靈公問孔子居魯得祿幾何對曰奉粟六萬衛人

亦致粟六萬

索隱若六萬石似太多當是六萬斗亦與漢之秩祿不同正義六萬小斗計當今二

千石也周之斗升斤兩皆用小也

居頃之或譖孔子於衛靈公靈公使

公孫余假一出入

索隱謂以兵仗出入以脅夫子也

孔子恐獲罪焉

居十月去衛將適陳過匡

正義故匡城在滑州匡城縣西南十里

顏刻為僕

以其策指之曰昔吾入此由彼缺也

索隱謂昔所被攻缺破之處也正義

琴操云孔子到匡郭外顏淵舉策指匡穿垣曰往與陽貨正從此入匡人聞其言告君曰往者陽貨今復來乃率衆圍孔子數日乃和琴而歌音曲甚哀有暴風擊軍士僵仆於是匡人乃知孔子聖人自解也 匡人

聞之以為魯之陽虎陽虎嘗暴匡人匡人於是遂止孔

子

索隱匡宋邑也家語云匡人簡子以甲士圍夫子

孔子狀類陽虎拘焉五日

顏淵後子曰吾以汝為死矣顏淵曰子在回何敢死

集解

包子曰言夫子在已無所致死也

匡人拘孔子益急弟子懼孔子曰文

王既没文不在茲乎

集解孔安國曰茲此也言文王雖已没其文見在此此自謂其身也

天之將喪斯文也後死者不得與于斯文也

集解孔安國曰文王

既没故孔子自謂後死也言天將喪此文者本不當使我知之今使我知之未欲喪之也

天之未喪

斯文也匡人其如予何

集解馬融曰如予何猶言奈我何也天未喪此文則我當傳之

匡人欲奈我何言不能違天以害己

孔子使從者為甯武子臣於衛然後

得去

索隱家語子路彈劍而歌孔子和之曲三終匡人解圍而去今此取論語文王既没之文及從者臣

甯武子然後得去蓋夫子再厄匡人或設辭以解圍或
彈劍而釋難今此合論語家語之文以為一事故彼此
文交

去即過蒲

集解徐廣曰長垣縣有匡城蒲鄉正義括地志故蒲城在滑州匡城縣北十五

里匡城本漢長垣縣

月餘反乎衛主蘧伯玉家靈公夫人有南子

者使人謂孔子曰四方之君子不辱欲與寡君為兄弟
者必見寡小君寡小君願見孔子辭謝不得已而見之

夫人在絺帷中孔子入門北面稽首夫人自帷中再拜

環珮玉聲璆然

正義璆音虬

孔子曰吾鄉為弗見見之禮答

焉索隱上見如字下見去聲言我不為相見之禮現而答之

子路不說孔子矢之曰

予所不者天厭之天厭之

集解樂肇曰見南子者時不獲已猶文王之拘羑里也天

厭之者言我之否屈乃天命所厭也蔡謨曰矢陳也夫子為子路陳天命也

居衛月餘靈公

與夫人同車宦者雍渠參乘出使孔子為次乘招搖市

過之

集解徐廣曰招搖翔翔也索隱家語作遊過市

孔子曰吾未見好德如好

色者也

集解何晏曰疾時薄於德厚於色故發此言也李充曰使好德如好色則棄邪而反正矣於

是醜之去衛過曹是歲魯定公卒孔子去曹適宋

集解徐廣

曰年表定公十三年孔子至衛十四年至陳哀公三年孔子過宋

與弟子習禮大樹下

宋司馬桓魋欲殺孔子拔其樹孔子去弟子曰可以速

矣孔子曰天生德於予桓魋其如予何

集解包氏曰天生德者謂授以

聖性德合天地吉無不利故曰其如予何

孔子適鄭與弟子相失孔子獨立

郭東門鄭人或謂子貢曰

索隱家語姑布子卿謂子貢曰

東門有人其

類似堯

索隱家語云河目而隆額其類似堯

其項類臯陶其肩類子產然

自要以下不及禹三寸累累若喪家之狗

集解王肅曰喪家之狗主

人哀荒不見飲食故累累而不得意孔子生於亂世道不得行故累累然不得志之貌也韓詩外傳曰喪家之狗既斂而櫛有席而祭顧望無人也

子貢以實告孔子孔子欣然笑曰形

狀末也而似喪家之狗然哉然哉孔子遂至陳主於司

城貞子家藏餘吳王夫差伐陳取三邑而去趙鞅伐朝

歌楚圍蔡蔡遷於吳吳敗越王勾踐會稽有隼集于陳

廷而死楷矢貫之石砮矢長尺有咫

集解韋昭曰隼鷃鳥今之鷃也楷木

名砮鐵也以石為之八寸曰咫楷矢貫之墜而死正義隼音笋毛詩義疏鷃齊人謂之擊征或謂之題肩或曰

省鴈春化為布穀

陳湑公使使問仲尼

索隱家語國語皆作陳惠公非

也按惠公以魯昭元年立定四年卒又按系家湑公十六年孔子適陳十三年亦在陳則此湑公為是仲

尼曰隼來遠矣此肅慎之矢也

正義肅慎國記云肅慎其地在夫餘國東北河

六十日行其弓四尺強勁弩射四百步今之韃韃國方有此矢

昔武王克商通道九夷

百蠻

集解王肅曰九夷東方夷有九種也百蠻夷狄之百種

使各以其方賄來貢

集解王肅曰各以其方面所有之財賄而來貢

使無忘職業於是肅慎貢楷天

石砮長尺有咫先王欲昭其令德以肅慎矢分大姬

集解

韋昭曰大姬武王元女也

配虞胡公而封諸陳分同姓以珍玉展親

集解韋昭曰展重也

分異姓以遠方職使無忘服

集解王肅

曰使無忘服從於王也

故分陳以肅慎矢試求之故府果得之

集解

韋昭曰故府舊府也

孔子居陳三歲會晉楚爭彊更伐陳及吳侵

陳陳常被寇孔子曰歸與歸與吾黨之小子狂簡進取

不忘其初於是孔子去陳過蒲會公叔氏以蒲畔蒲人止孔子弟子有公良孺者以私車五乘從孔子其為人長賢有勇力謂曰吾昔從夫子遇難於匡今又遇難於此命也已吾與夫子再罹難寧鬪而死鬪甚疾蒲人懼索隱家語云寧我鬪死挺劍而合衆將與之戰蒲人懼是也謂孔子曰苟毋適衛吾

出子與之盟出孔子東門孔子遂適衛子貢曰盟可負耶孔子曰要盟也神不聽衛靈公聞孔子來喜郊迎問曰蒲可伐乎對曰可靈公曰吾大夫以為不可今蒲衛

之所以待晉楚也

正義衛在濮州蒲在滑州在衛西也韓魏及楚從西向東伐先在蒲後及

衛

以衛伐之無乃不可乎孔子曰其男子有死之志

集解

王肅曰公叔氏欲以蒲適他

婦人有保西河之志

集解王肅

國而男子欲死之不樂適他

婦人有保西河之志

集解王肅

曰婦人恐懼欲保西河無戰意也索隱曰此西河在衛地非魏之西河也

吾所伐者不過四

五人

集解王肅曰本與公叔同畔者

靈公曰善然不伐蒲靈公老怠於

政不用孔子孔子喟然歎曰苟有用我者朞月而已三

年有成

集解孔安國曰言誠有用我於政事者朞年而可以行其政教必三年乃有成也

孔子

行佛肸為中牟宰

集解孔安國曰晉大夫趙簡子之邑宰

趙簡子攻范中

行伐中年

索隱此河北之中牟蓋在漢陽西

佛肸畔使人召孔子孔子

欲往子路曰由聞諸夫子其身親為不善者君子不入

也

集解孔安國曰不入其國

今佛肸親以中年畔子欲往如之何孔

子曰有是言也不曰堅乎磨而不磷不曰白乎涅而不

淄

集解孔安國曰磷薄也涅可以染皂者也言至堅者磨之而不薄至白者染之於涅中而不黑君子雖在

濁亂不能汙也

我豈匏瓜也哉焉能繫而不食

集解何晏曰言匏瓜得繫一處

者不食故也吾自食物當東西南北不得如不食之物繫滯一處

孔子擊磬有荷蕢而

過門者曰有心哉擊磬乎

集解何晏曰蕢草器也有心謂契契然也

硜硜乎

莫已知也夫而已矣

集解何晏曰磬磬信已而已言亦無益也

孔子學鼓琴

師襄子

索隱家語師襄子曰吾雖以擊磬為官然能於琴蓋師襄子魯人論語謂之擊磬襄是也

十

日不進師襄子曰可以益矣孔子曰丘已習其曲矣未

得其數也有間曰已習其數可以益矣孔子曰丘未得

其志也有間曰已習其志可以益矣孔子曰丘未得其

為人也有間曰有所穆然深思焉有所怡然高望而遠

志焉曰丘得其為人黯然而黑

集解王肅曰黯黑貌

幾然而長

集解

徐廣曰詩云頎而長兮索隱幾與注頎並音祈家語無此四字

眼如望羊

集解王肅曰望羊望羊視

也心如王四國非文王其誰能為此也師襄子辟席再

拜曰師蓋云文王操也孔子既不得用於衛將西見趙

簡子至於河而聞竇鳴犢舜華之死也

集解徐廣曰或作鳴鐸竇華又

作竇鳴犢舜華也

索隱家語云聞趙簡子殺竇犢鳴犢及舜華國語云鳴鐸竇犢則竇犢字鳴犢聲轉字異或

作鳴鐸慶華當作

舜華諸說皆同

臨河而嘆曰美哉水洋洋乎丘之不

濟此命也夫子貢趨而進曰敢問何謂也孔子曰竇鳴

犢舜華晉國之賢大夫也趙簡子未得志之時須此兩

人而後從政及其已得志殺之乃從政丘聞之也刳胎

殺天則麒麟不至郊竭澤涸漁則蛟龍不合陰陽

索隱有角

曰蛟龍龍能興雲致雨調和陰陽之氣

覆巢毀卵則鳳皇不翔何則君子

諱傷其類也夫鳥獸之於不義也尚知辟之而況乎丘

哉乃還息乎陬鄉作為陬操以哀之

集解王肅曰陬操琴曲名也索隱此

陬鄉非魯之陬邑家語云作樂操也

而反乎衛入主蘧伯玉家他日靈公

問兵陳

集解孔安國曰軍陳行列之法

孔子曰俎豆之事則嘗聞之軍

旅之事未之學也

集解鄭玄曰萬二千人為軍五百人為旅軍旅末事本末立不可教以末

明日與孔子語見蜚鴈仰視之色不在孔子孔子遂行

復如陳夏衛靈公卒

索隱此魯哀二年也

立孫輒是為衛出公六

月趙鞅內太子蒯聵于戚陽虎使太子絕八人袞經偽

自衛迎者哭而入遂居焉冬蔡遷于州來是歲魯哀公

三年而孔子年六十矣齊助衛圍戚以衛太子蒯聵在

故也夏魯桓釐廟燔南宮敬叔救火孔子在陳聞之曰

災必於桓釐廟乎

集解服虔曰桓釐當毀而魯事非禮之廟故孔子聞有火災知其必桓僖

也已而果然秋季桓子病輦而見魯城喟然嘆曰昔此

國幾興矣以吾獲罪於孔子故不興也顧謂其嗣康子

曰我即死若必相魯相魯必召仲尼後數日桓子卒康
子代立已葬欲召仲尼公之魚曰昔吾先君用之不終
終為諸侯笑今又用之不能終是再為諸侯笑康子曰
則誰召而可曰必召冉求於是使使召冉求冉求將行
孔子曰魯人名求非小用之將大用之也是日孔子曰
歸乎歸乎吾黨之小子狂簡斐然成章吾不知所以裁
之集解孔安國曰簡大也孔子在陳思歸欲去曰吾黨
之小子狂者進取于大道妄穿鑿以成章不知所以
裁制當歸以裁耳索隱此系家再有歸與之辭者前辭
出孟子此辭出論語蓋止是一稱歸與二書各記之今

前後再引子貢知孔子思歸送冉求因誠曰即用以孔
亦失之也

子為招云冉求既去明年孔子自陳遷于蔡蔡昭公將

如吳吳召之也前昭公欺其臣遷州來後將往大夫懼

復遷公孫翩射殺昭公
集解徐廣曰哀公四年也楚侵蔡秋齊景公

卒
集解徐廣曰哀公五年也明年孔子自蔡如葉葉公問政孔子曰

政在來遠附邇他日葉公問孔子於子路子路不對
集解

孔安國曰葉公名諸梁楚大夫食采
於葉僭稱公不對未知所以對也孔子聞之曰由爾

何不對曰其為人也學道不倦誨人不厭發憤忘食樂

以忘憂不知老之將至云爾去葉反于蔡長沮桀溺耦

而耕孔子以為隱者使子路問津焉

集解鄭玄曰耜廣五寸二耜為耦津

濟渡處也正義括地志云黃城山俗名萊山在許州葉縣西南二十五里聖賢冢墓記云黃城山即長沮桀溺所耕處下有東流則子路問津處也長沮曰彼執輿者為誰子路曰為孔

丘曰是魯孔丘與曰然曰是知津矣

集解馬融曰言數周流自知津處

桀溺謂子路曰子為誰曰為仲由曰子孔丘之徒與曰

然桀溺曰悠悠者天下皆是也而誰以易之

集解孔安國曰悠悠

者周流之貌也言當今天下治亂同空舍此適彼故曰誰以易之

且與其從辟人之士

豈若從辟世之士哉

集解何晏曰士有辟人之法有辟世之法長沮桀溺謂孔子為士從

辟人之法者也己之為士則從辟世之法也

耰而不輟

集解鄭玄曰耰覆種也輟止也覆種不止

不以津告者

子路以告孔子孔子憮然曰

集解何晏曰謂其不達己意而非已

鳥獸不可與同羣

集解孔安國曰隱於山林是同羣

天下有道丘不與

易也

集解何晏曰凡天下有道者己皆不與易也已大而人小故也

他日子路行遇荷

蓀丈人

集解包氏曰丈人老者蓀草器名也

曰子見夫子乎丈人曰四體

不勤五穀不分孰為夫子

集解包氏曰丈人云不勤勞四體分植五穀誰為夫子而

索植其杖而芸

集解孔安國曰植倚也除草曰芸

子路以告孔子曰隱

者也復往則亡

集解孔安國曰子路反至其家丈人出行不在

孔子遷于蔡三

歲吳伐陳楚救陳

集解徐廣曰哀公四年也

軍于城父聞孔子在陳

蔡之間楚使人聘孔子孔子將往拜禮陳蔡大夫謀曰

孔子賢者所刺譏皆中諸侯之疾今者久留陳蔡之間

諸大夫所設行皆非仲尼之意今楚大國也來聘孔子

孔子用於楚則陳蔡用事大夫危矣於是乃相與發徒

役圍孔子於野不得行絕糧從者病莫能興

集解孔安國曰興起

也孔子講誦弦歌不衰子路愠見曰君子亦有窮乎孔

子曰君子固窮小人窮斯濫矣

集解何晏曰濫濫也君子固亦有窮時但不如

小人窮則濫濫為非

子貢色作孔子曰賜爾以予為多學而識之

者與曰然

集解孔安國曰然謂多學而識之

非與

集解孔安國曰問今不然也

孔子

曰非也予一以貫之

集解何晏曰善有元事有會天下殊塗而同歸百慮而一致知其元

則衆善舉也故不待學以一知之

孔子知弟子有愠心乃召子路而問

曰詩云匪兕匪虎率彼曠野

集解王肅曰率循也言非兕虎而循曠野也

吾

道非耶吾何為於此子路曰意者吾未仁耶人之不我

信也

集解王肅曰言人不信吾豈以未仁乎

意者吾未知耶人之不我行

也集解王肅曰言人不使通行而困窮者豈以吾未智乎

孔子曰有是乎由譬使

仁者而必信安有伯夷叔齊

正義言仁者必使四方信之安有伯夷叔齊餓死乎

使智者而必行安有王子比干

正義言智者必使處事通行安有王子比干剖

心哉子路出子貢入見孔子曰賜詩云匪兇匪虎率彼曠

野吾道非耶吾何為於此子貢曰夫子之道至大也故

天下莫能容夫子夫子蓋少貶焉孔子曰賜良農能稼

而不能為穡

集解王肅曰種之為稼斂之為穡言良農能善種之未必能斂穫之

良工能

巧而不能為順

集解王肅曰言良工能巧而已不能每順人之意

君子能脩其

道綱而紀之統而理之而不能為容今爾不脩爾道而求為容賜而志不遠矣子貢出顏回入見孔子曰回詩云匪兕匪虎率彼曠野吾道非耶吾何為於此顏回曰夫子之道至大故天下莫能容雖然夫子推而行之不容何病不容然後見君子夫道之不脩也是吾醜也夫道既已大脩而不用是有國者之醜也不容何病不容然後見君子孔子欣然而笑曰有是哉顏氏之子使爾多財吾為爾宰

集解王肅曰宰主財者也為汝主財言志之同也

於是使子貢

至楚楚昭王興師迎孔子然後得免昭王將以書社地

七百里封孔子

集解服虔曰書籍也索隱古者二十五家為里里則各立社則書社者書其社

之人名於籍蓋以七百里書社之人封孔子也故下冉求云雖累千社而夫子不利是也楚令尹子

西曰王之使使諸侯有如子貢者乎曰無有王之輔相

有如顏回者乎曰無有王之將率有如子路者乎曰無

有王之官尹有如宰予者乎曰無有且楚之祖封於周

號為子男五十里今孔丘述三王之法明周召之業王

若用之則楚安得世世堂堂方數千里乎夫文王在豐

武王在鎬百里之君卒王天下今孔丘得據土壤賢弟

子為佐非楚之福也昭王乃止其秋楚昭王卒于城父

楚狂接輿歌而過孔子

集解孔安國曰接輿楚人也佯狂而來歌欲以感切夫子也

曰鳳兮鳳兮何德之衰

集解孔安國曰此孔子於鳳鳥待聖君乃見非孔子周行求合

故曰

往者不可諫兮

集解孔安國曰已往所行不可復諫止也

來者猶可追

也

集解孔安國曰自今已來可追自止避亂隱居

已而已而今之從政者殆而

集解孔安國曰言已而者言世亂已甚不可復治也再言之者傷之深也

孔子下欲與之言

趨而去弗得與之言

集解包氏曰下下車也

於是孔子自楚反乎

衛是歲也孔子年六十三而魯哀公六年也其明年吳

與魯會繒徵百牢

索隱此哀七年時也百牢牢具一百也周禮上公九牢侯伯七牢子男五

牢今吳徵百牢夷不識禮故子貢對以周禮而後吳亡是徵也正義括地志云故鄆城在沂州丞縣地理志繒

縣屬東海郡也

太宰嚭召季康子康子使子貢往然後得已孔

子曰魯衛之政兄弟也

集解包氏曰周公康叔既為兄弟康叔睦於周公其國之政亦

如兄弟也

是時衛君輒父不得立在外諸侯數以為讓而孔

子弟子多仕於衛衛君欲得孔子為政子路曰衛君待

子而為政子將奚先

集解包氏曰問往將何所先行

孔子曰必也正名

乎

集解馬融曰正百事之名也

子路曰有是哉子之迂也何其正也

集解包氏曰迂猶遠也言孔子之言遠於事也

孔子曰野哉由也

集解孔安國曰野不達也

夫名不正則言不順言不順則事不成事不成則禮樂

不興禮樂不興則刑罰不中

集解孔安國曰禮以安上樂以移風二者不行則有

淫刑濫罰也

刑罰不中則民無所錯手足矣夫君子為之必

可名言之必可行

集解王肅曰所名之事必可得名言所言之事必可得遵行者

君子

於其言無所苟而已矣其明年冉有為季氏將師與齊

戰於郎克之

集解除廣曰此哀公十一年也去吳會繒已四年矣年表哀公十年孔子自衛至陳

也索隱徐說去會四年是也按左氏及此文孔子是時在衛歸魯不見有在陳之文在陳當哀公之初蓋年表誤爾正義括地志云郎亭在徐州滕縣西五十三里

李康子曰子之於軍旅學之

乎性之乎冉有曰學之於孔子季康子曰孔子何如人

哉對曰用之有名播之百姓質諸鬼神而無憾求之至

於此道雖累千社夫子不利也

索隱二十五家為社千社即二萬五千家

康

子曰我欲名之可乎對曰欲名之則毋以小人固之則

可矣而衛孔文子

集解服虔曰文子衛卿也

將攻太叔

集解駟案左傳曰太叔名

疾

問策於仲尼仲尼辭不知退而命載而行曰鳥能擇

木木豈能擇鳥乎

集解服虔曰鳥喻己木以喻所之之國

文子固止會季

康子逐公華公賓公林以幣迎孔子孔子歸魯孔子之

去魯凡十四歲而反乎魯

索隱前文孔子以定公十四年去魯計至此十三年魯系

家云定公十二年孔子去魯則首尾計十五年矣

魯哀公問政對曰政在選臣

季康子問政曰舉直錯諸枉

集解包氏曰錯置也舉正直之人用之廢置邪枉之

人索隱論語季康子問政子曰政者正也又哀公問曰

何為則人服子曰舉直錯諸枉則人服今此初論康子

問政未合以孔子答哀公使人服

蓋太史撮畧論語為文而失事實則枉者直康子患盜

孔子曰苟子之不欲雖賞之不竊

集解孔安國曰欲情慾也言民化於上不

從其所令從其所好也

然魯終不能用孔子孔子亦不求仕孔子

之時周室微而禮樂廢詩書缺追迹三代之禮序書傳

上紀唐虞之際下至秦繆編次其事曰夏禮吾能言之

杞不足徵也殷禮吾能言之宋不足徵也

集解包氏曰徵成也杞宋

二國夏殷之後也夏殷之禮吾能說之杞宋之君不足以成也

足則吾能徵之矣觀殷

夏所損益曰後雖百世可知也

集解何晏曰物類相名勢數相生其變有常故

可預知

以一文一質周監二代郁郁乎文哉吾從周

集解

孔安國曰監視也言周文章備於二代當從之也

故書傳禮記自孔氏孔子語

魯太師樂其可知也始作翕

如集解何晏曰太師樂官名也五音始奏翕如盛

也縱之純如

集解何晏曰言五音既發故縱盡其聲純諧和也

皦如

如集解何晏曰言其音

節繹如也以成

如集解何晏曰繹之以純如皦如繹如言樂始於翕如而成於三者也

吾自

衛反魯然後樂正雅頌各得其所

集解鄭玄曰反魯魯哀公十一年冬是時

道衰樂廢孔子來還乃正之故雅頌各得其所

古者詩三千餘篇及至孔子去

其重

正義去丘侶反重逐龍反

取可施於禮義上采契后稷中述殷

周之盛至幽厲之缺始於衽席故曰關雎之亂以為風

始

正義亂理也詩小序云關雎后妃之德也風之始也所以風天下而正夫婦也毛萇云關關和聲雎鳴王

睢也鳥摯而有別后妃悅樂君子之德無不和諧又不
 淫色慎固幽深若睢鳩之有別然後可以風化天下夫
 婦有別則父子親父子親則君臣敬君臣敬則
 朝廷正朝廷正則王化成也按王睢金口鷄也鹿鳴為
 小雅始正義小序云鹿鳴宴羣臣嘉賓也既飲食之又
 實幣帛筐篚以將其厚意然後忠臣嘉賓得盡
 其心矣毛萇云鹿得苹呦呦鳴而相呼懇誠發乎
 中以興嘉樂賓客當有懇誠相招呼以成禮也文王

為大雅始

正義小序云文王文王受命作周鄭玄云文
王初為西伯有功於民其德著見於天故天

命之以為王

清廟為頌始

正義小序云清廟祀文王也
周公既成雒邑朝諸侯率以

使君天下

祀文王焉毛萇云清廟者祭有清明之德者之宮也
謂祭文王天德清明文王象焉故祭之而歌此詩也三

百五篇孔子皆弦歌之以求合韶武雅頌之音禮樂自

此可得而述以備王道成六藝孔子晚而喜易序

正義序易

序卦也夫子作十翼謂上象下象上象下象上繫下繫

文言序卦說卦雜卦也易正義曰文王既繇六十四卦

分為上下篇先後之次其理不易孔

子就上下二經各序其相次之義

象

正義吐亂反上象卦下辭下象

又卦下辭易正義曰夫子所作統論一卦之義或說其卦德或說其卦義或說其卦名莊氏云象斷也言斷定

一卦之

繫

正義如字又音系易正義云繫辭者聖人繫屬此辭於爻卦之下分為上下篇者以簡編

重大是以分之又言繫

象

正義上象卦辭下象爻辭易正義云萬物之體自然各有

辭者取綱系之義也

形象聖人設卦以寫萬物之

說卦

正義易正義云說卦者陳說八卦德業變

象今夫子釋此卦之象也

化法象

文言

正義易正義云夫子贊明易道中說義理

所為也

者六十四卦以為義於序卦之外別言聖人之興因時而作隨其事宜不必相因襲當有損益又云雜揉眾卦錯綜其義或以同相類或以異相明按史不出離卦故附之

讀易韋編三絕曰假我

數年若是我於易則彬彬矣孔子以詩書禮樂教弟子

蓋三千焉身通六藝者七十有二人如顏濁鄒之徒

正義

濁音卓鄒音聚顏濁鄒非七十二人數也頗受業者甚眾孔子以四教文行

忠信

集解何晏曰四者有形質可舉以教者

絕四毋意

集解何晏曰以道為度故不任意也

毋

必

集解何晏曰用之則行舍之則藏故無專必

毋固

集解何晏曰無可無不可故無固行也

毋

我

集解何晏曰述古而不自作處羣萃而不自異唯道是從故不有其身也

所慎齊戰疾

集解

何晏曰此三者人所不能慎而夫子慎也

子罕言利與命與仁

集解何晏曰罕者希也利

者義之和也命者天之命也仁者行之盛也寡能及之故希言之也

不憤不啓舉一隅不

以三隅反則弗復也

集解鄭玄曰孔子與人言必待其人心憤憤口悱悱乃後啓發為說

之如此則識思之深也說則舉一端以詔之其人不思其類則不重教也

其於鄉黨恂恂似

不能言者

集解王肅曰恂恂溫恭貌也索隱有本作逡逡音七旬反

其於宗廟朝廷

辯辯言唯謹爾

集解鄭玄曰推辯而謹敬也索隱論語作便便

朝與上大夫言

問問如也

集解孔安國曰中正之貌也

與下大夫言侃侃如也

集解孔安

國曰和

入公門鞠躬如也趨進翼如也

集解孔安國曰言端好也

君

召使儐

集解鄭玄曰賓客使迎之也

色勃如也

集解孔安國曰必變色

君命名

不俟駕行矣

集解鄭玄曰急趨君命也既行出而車駕隨之

魚餒肉敗割不正

不食

集解孔安國曰魚敗曰餒也

席不正不坐食於有喪者之側未

嘗飽也是日哭則不歌見齊衰瞽者雖童子必變

集解包氏

曰瞽盲

三人行必得我師

集解何晏曰言我三人行本無賢愚擇善而從之不善而改之

無常師也

德之不脩學之不講聞義不能徙不善不能改是

吾憂也

集解孔安國曰夫子常以此四者為憂也

使人歌善則使復之然後

和之

集解何晏曰樂其善故使重歌而自和也

子不語怪力亂神

集解王肅曰怪怪異

也力謂若稟盪舟爲獲舉千鈞之屬也亂謂臣弑君子弑父也神謂鬼神之事或無益於教化或所不忍言也李充曰力不由理斯怪力也神不由正斯亂神也怪力亂神有與於邪無益於教故不言也

子貢曰

夫子之文章可得聞也

集解何晏曰章明文彩形質著見可以耳目脩也

夫子

言天道與性命弗可得聞也已

集解何晏曰性者人之所受以生也天道者元

亨利新之道深微故不可得而聞之

顏淵喟然嘆曰仰之彌高鑽之彌堅

集解何晏曰言不可窮盡

瞻之在前忽焉在後

集解何晏曰言忽恍不可為形象

夫

子循循然善誘人

集解何晏曰循循序貌也誘進也言夫子正以此道進勸人學有次序

也博我以文約我以禮欲罷不能既竭我才如有所立

卓爾雖欲從之蔑由也已

集解孔安國曰言夫子既以文章開博我又以禮節節約

我使我欲罷不能已竭吾才矣其有所立則卓然不達可及言已雖蒙夫子之善誘猶不能及夫子所立也

巷黨人童子曰大哉孔子博學而無所成名

集解鄭玄曰達巷者

黨名五百家為黨此黨之人美孔子博學道藝不成一名而已

子聞之曰我何執執御

乎執射乎我執御矣

集解鄭玄曰聞人美之承以謙也吾執御者欲明六藝之卑

牢

曰子云不試故藝

集解鄭玄曰牢者弟子子牢也試用也言孔子自云我不見用故多伎藝

也魯哀公十四年春狩大野

集解服虔曰大野藪名魯田圃之常處蓋今鉅野是

也正義括地志云獲麟堆在鄆州鉅野縣東十二里春秋哀十四年經云西狩獲麟宗國都城記鉅野故城東

十里澤中有土臺廣輪四五十步
俗云獲麟堆去魯城可三百餘里
叔孫氏車子鉏商獲

獸

集解服虔曰車子微者也鉏商名也索隱春秋傳及家語並云車子鉏商而服虔以子為姓非也今以車

子為主軍車士微者之人也
以為不祥仲尼視之曰麟

也取之

集解服虔曰麟非時所常見故怪之以為不祥也仲尼名之曰麟然後魯人乃取之也明麟為

仲尼至也

曰河不出圖雒不出書吾已矣夫

集解孔安國曰聖人受命則河

出圖今無此瑞吾已矣夫

顏淵死孔子曰天喪予

集解何休

曰予我也天出顏淵為夫子輔佐

及西狩見麟曰吾道

窮矣

集解何休曰麟者太平之獸聖人之類也時得而死此天亦告夫子將歿之證故云爾

喟然

嘆曰莫知我夫子貢曰何為莫知子

集解何晏曰子貢怪夫子言何為莫

知已故問之

子曰不怨天不尤人

集解馬融曰孔子不用於世而不怨天不知己亦不

尤人下學而上達

集解孔安國曰下學人事上達天命

知我者其天乎

集解何晏

曰聖人與天地合其德故曰唯天知己

不降其志不辱其身伯夷叔齊乎

集解鄭玄曰言其直己之心不入庸君之朝

謂柳下惠少連降志辱身矣謂

虞仲夷逸隱居放言

集解包氏曰放置也置不復言世務也

行中清廢中

權

集解馬融曰清純潔也遭世亂自廢棄以免患合於權也

我則異於是無可無不

可

集解馬融曰亦不必進亦不必退唯義所在

子曰弗乎弗乎君子病歿世

而名不稱焉吾道不行矣吾何以自見於後世哉乃因

史記作春秋上至隱公下訖哀公十四年十二公據魯

親周

索隱言夫子脩春秋以魯為主故云據魯時周雖微而親周王者以見天下之有宗主也

故殷

運之三代

正義殷中也又中運夏殷周之事也

約其文辭而指博故吳楚

之君自稱王而春秋貶之曰子踐土之會實名周天子

而春秋諱之曰天王狩於河陽推此類以繩當世貶損

之義後有王者舉而開之春秋之義行則天下亂臣賊

子懼焉孔子在位聽訟文辭有可與人共者弗獨有也

至於為春秋筆則筆削則削子夏之徒不能贊一辭弟

子受春秋孔子曰後世知丘者以春秋而罪丘者亦以

春秋

集解劉熙曰知者行堯舜之道者也罪者在王公之位見貶絕者

明歲子路死於

衛孔子病子貢請見孔子方負杖逍遙於門曰賜汝來

何其晚也孔子因歎歌曰太山壞乎

集解鄭玄曰太山衆山所仰梁

柱摧乎哲人萎乎

集解王肅曰萎頓也

因以涕下謂子貢曰天下

無道久矣莫能宗予

集解王肅曰傷道之不行也

夏人殯於東階周

人於西階殷人兩柱間昨暮予夢坐奠兩柱之間予殆

殷人也後七日卒

集解鄭玄曰明聖人知命也正義括地志云漢封夫子十二代孫忠為褒

城侯生光為丞相封侯平帝封孔霸孫莽二千戶為褒

城侯後漢封十七代孫志為褒成侯魏封二十二代孫

羨為崇聖侯晉封二十三代孫震為奉聖亭侯後魏封

二十七代孫為崇聖大夫孝文帝又封三十一代孫珍

為崇聖侯高齊改封珍為恭聖侯周武帝改封鄒國公

隋文帝仍舊封鄒國公煬帝改為紹聖侯皇唐給復二

千戶封孔子裔孫孔

德倫為褒聖侯也

四月己丑卒

索隱若孔子以魯襄二十一年生至哀十六年為七十三若襄二十二年生則孔子

年七十二經傳生年不定使夫子壽數不明

哀公諫之曰旻天不弔不憖遺

一老

集解王肅曰弔善也憖且也一老謂孔子也

俾屏余一人以在位玃玃

余在疚

集解王肅曰疚病也

嗚呼哀哉尼父母自律

集解王肅曰父大夫之顯

稱也律法也言母以自為法也

子貢曰君其不沒於魯乎夫子之言曰

禮失則昏名失則愆失志為昏失所為愆

索隱左傳及家語文皆同

生不能用死而誅之非禮也稱余一人非名也

集解服虔曰天

子自謂一人非諸侯所當名也

孔子葬魯城北泗上

集解駟案皇覽曰孔子冢去城一里

冢塋百畝冢南北廣十步東西十三步高一丈二尺冢前以甌甃為祠壇方六尺與地平本無祠堂冢塋中樹以百數皆異種魯人世世無能名其樹者民傳言孔子弟子異國人各持其方樹來種之其樹柞枌榲離女貞五味甕檀之樹孔子塋中不生荆棘及刺人草索隱離音藜藜草名也女貞一作安貴香名出西域五味藥草

名薨音讒薨檀
檀樹之別種也

弟子皆服三年三年心喪畢相訣而去

索隱訣音

則哭各復盡哀或復留唯子貢廬於冢上

索隱

家語無上字且禮云適墓不登隴豈
合廬於冢上乎蓋上者亦邊側之義

凡六年然後去弟

子及魯人往從冢而家者百有餘室因命曰孔里魯世

世相傳以歲時奉祀孔子冢而諸儒亦講禮鄉飲大射

於孔子冢孔子冢大一頃故所居堂弟子內後世因廟

藏孔子衣冠琴車書

索隱謂孔子所居之堂其弟子之中孔子沒後後代因廟藏夫子平

生衣冠琴書
於壽堂中

至于漢二百餘年不絕高皇帝過魯以太

牢祠焉諸侯卿相至常先謁然後從政孔子生鯉字伯

魚索隱家語孔子年十九娶於宋之開官氏之女一歲而生伯魚伯魚之生也魯昭公使人遺之鯉魚夫子

榮君之賜因以伯魚年五十先孔子死集解駟案皇覽曰伯魚冢在孔

子冢東與孔子並大小相望也伯魚生伋字子思年六十二嘗困於宋

子思作中庸集解駟案皇覽曰子思冢在孔子冢南大小相望子思生白字子

上年四十七子上生求字子家年四十五子家生箕字

子京年四十六子京生穿字子高年五十一子高生子

慎年五十七嘗為魏相子慎生鮒年五十七為陳王涉

博士死於陳下鮒弟子襄年五十七嘗為孝惠皇帝博士遷為長沙太守長九尺六寸子襄生忠年五十七忠生武武生延年及安國安國為今皇帝博士至臨淮太守蚤卒安國生邛邛生驩

太史公曰詩有之高山仰止景行行止雖不能至然心鄉往之余讀孔氏書想見其為人適魯觀仲尼廟堂車服禮器諸生以時習禮其家余祇回留之不能去云隱祇敬也言祇敬遲迴不能去之有本亦作低迴義亦通

天下君王至于賢人衆矣

當時則榮沒則已焉孔子布衣傳十餘世學者宗之自

天子王侯中國言六藝者折中於夫子

索隱離騷云明五帝以折中王

師叔云折中正也宋均云折斷也中當也言欲折斷其物而用之與度相中當也

可謂至聖矣

索隱述贊曰孔子之先胄于商國弗父能讓正考銘勒防叔來奔邶人倚立尼丘誕聖闕里生德七十升堂四方取則行誅兩觀攝相夾谷數鳳遽哀泣麟何促凡流仰鏡萬古欽躅

史記卷四十七

史記卷四十七考證

孔子世家齊處昭公乾侯○余有丁曰乾侯晉地晉人以居公者齊處公于鄆非乾侯也

為高昭子家臣欲以通乎景公○余有丁曰昭二十年齊世家記景公與晏嬰狩魯界因入魯問禮於孔子自此嬰與孔子相友善今魯亂孔子適齊必因嬰以通于景公而世家謂為高昭子家臣以通景公或誤吳伐越墮會稽得骨節專車○余有丁曰吳伐越事在

哀公元年家語云吳子使聘于魯問之孔子命使者
曰無以吾命也賓既將事及發幣于大夫及孔子孔
子爵之既徹俎而燕然後客執骨而問今載于定公
五年此時吳未墮會稽安得獲骨之事

孔子使從者為甯武子臣於衛○致堂管見曰穆公未
武子之子相已與孫良夫將兵侵齊武子非老則卒
矣穆公卒歷定公獻公凡三十一年至靈公三十八
年而孔子來使有兩武子則可若猶俞也其年當百

有五六十年矣何子長之疎也

孔子學鼓琴師襄子○余有丁曰師襄子即擊磬襄孔
子用魯舉為司樂之官及孔子去魯而襄子入于海
史記載學琴於去魯之後殆非也歷聘紀年記孔子
二十九歲適衛學琴庶幾近之

心如王四國○一本無心字

今孔丘述三王之法○

臣照

按東都賦事勤乎三五李

善注引史記楚子西曰孔丘述三五之法明周召之

業按此則王字乃後來傳寫之誤

吳與魯會繒正義括地志云故鄆城在沂丞縣○

臣照

按沂下疑脫州字唐書地理志丞縣屬沂州

孔子年七十三以魯哀公十六年四月己丑卒索隱若
孔子以魯襄二十一年生至哀十六年為七十三若
襄二十二年生則孔子年七十二經傳生年不定使
夫子壽數不明○攷年表自襄公二十二年庚戌至
哀公十六年壬戌正七十三年若自襄二十一年己

酉至壬戌則七十四矢索隱不知如何計算

史記卷四十七考證

謹案卷四十七第十三頁後三行故匡城在滑州
匡城縣西南十里刊本州下脫匡字據唐地志
增

第二十五頁後三行故鄆城在沂州丞縣刊本脫
州字據唐地志增



嘉慶二十五年
金鑄會
對寶

總校官庶吉士

臣

侍朝

校對官檢討

臣

郭寅

謄錄監生

臣

藍嘉瑄

欽定四庫全書叢要

史部

史記卷

四十八至
五十

詳校官主事銜臣徐以坤



欽定四庫全書薈要卷三千六百二十六

史部

史記卷四十八

漢太史令司馬遷撰

宋中郎外兵曹參軍裴駰集解

唐國子博士弘文館學士司馬貞索隱

唐諸王侍讀率府長史張守節正義

陳涉世家第十八

索隱勝立數月而死無後亦稱系家者以其所遣王侯將相竟滅秦為首事故也然時因擾攘



起自匹夫假託妖祥一朝稱楚歷年不永勲業茂如繼之齊魯曾何等級可降為列傳

陳勝者陽城人也字涉

索隱韋昭云陽城屬潁川地理志屬汝南不同者按郡縣之名

隨代分割蓋陽城舊屬汝南史遷云今為汝陰後又分隸潁川韋昭據以為說故其不同他皆放此正義即河南陽城吳廣者陽夏人也字叔

陽城縣也

吳廣者陽夏人也字叔

陽縣後屬陳正義括地

志云陳州太康縣本漢陽夏縣也

陳涉少時嘗與人傭耕

索隱廣雅云傭役也謂役

力而受雇直也

輟耕之壟上悵恨久之曰苟富貴無相忘傭者

笑而應曰若為傭耕何富貴也陳涉太息曰嗟乎燕雀

安知鴻鵠之志哉

索隱尸子云鴻鵠之驚羽翼未合而有四海之心是也鴻鵠是一鳥若鳳

皇然非鴻鴈與黃鵠也鵠音戶酷反二世元年七月發閭左適戍漁陽九

百人屯大澤鄉

集解徐廣曰在沛郡蘄縣索隱閭左謂居閭里之左也秦時復除者居閭左今

力役凡在閭左者盡發之也又云凡居以富強為右貧弱為左秦役戍多富者役盡兼取貧弱者而發之者也適音直革反又音磔故漢書有七科適戍者屯兵而守也地理志漁陽縣名在漁陽郡也正義括地志云漁陽故城在檀州密雲縣南十八里在漁水之陽也陳勝吳廣皆次當行為屯長會

天大雨道不通度已失期失期法皆斬陳勝吳廣乃謀

曰今亡亦死舉大計亦死等死死國可乎

索隱謂欲經營圖國假使

不成而敗猶愈為戍卒而死也陳勝曰天下苦秦久矣吾聞二世少子

也不當立

索隱姚氏按隱士遺章邯書云李斯為二世廢十七兄而立今王則二世是始皇第十八

也子當立者乃公子扶蘇扶蘇以數諫故上使外將兵今

或聞無罪二世殺之百姓多聞其賢未知其死也

索隱如淳

曰扶蘇自殺故人不知其死或以為不知何坐而死故天下寃二世殺之或說為非今宜依文而解直是扶蘇為二世所殺而百姓未知故欲詐自稱也項燕為楚將數有功愛士卒楚人

憐之或以為死或以為亡今誠以吾眾詐自稱公子扶

蘇項燕為天下唱宜多應者

索隱漢書作倡倡謂先也說文云倡首也

吳廣

以為然乃行卜

索隱行者先也一云行往也

卜者知其指意曰足下

事皆成有功然足下卜之鬼乎

集解蕪林曰狐鳴祠中則是也瓚曰假託鬼神

以威衆也故勝廣曰此教我威衆也索隱裴注引蕪林臣瓚義亦當矣而李奇又云卜者戒曰所卜事雖成當死為鬼惡指斥言之而勝失其旨

陳勝吳廣喜念鬼

索隱

念者思也謂思念欲假鬼神之事

曰此教我先威衆耳乃丹書帛曰陳

勝王置人所罾魚腹中

集解駟案漢書音義曰罾音曾文穎曰罾魚網也

卒買

魚烹食得魚腹中書固以怪之矣又閒令吳廣之次近

所旁叢祠中

集解張晏曰戍人所止處也叢鬼所憑焉索隱服虔云間音中間之間鄭氏云間謂

竊令人行也孔文祥云伺竊間隙不欲令衆知之次師所次舍處也墨子云建國必擇木之脩茂者以為叢位

高誘注戰國策云叢祠神祠叢樹也

夜篝火

集解徐廣曰或作帶也篝火也音溝索隱漢書作篝火

郭璞云篝火是也

孤鳴呼曰大楚興陳勝王卒皆夜驚恐旦日

卒中往往語皆指目陳勝吳廣素愛人士卒多為用者

將尉醉

索隱尉官也漢舊儀大縣三人其尉將屯九百人故云將尉也

廣故數言欲亡

忿恚尉令辱之以激怒其衆尉果笞廣尉劒挺

集解徐廣曰挺

猶脫也索隱按脫即奪也說文云挺拔也案謂尉劒拔而廣因奪之故得殺尉

廣起奪而殺尉

陳勝佐之并殺兩尉召令徒屬曰公等遇雨皆已失期

失期當斬藉第令毋斬

集解服虔曰藉假也第次第也應劭曰藉吏士名藉也今失期

當斬就使籍第幸得不斬戍死者固十六七此激怒其衆也蘓林曰第且也索隱第一音次第之第小顏云第但也劉氏云籍音子夜反應劬而戍死者固十六七且讀如字各以意言蘓說為近也

壯士不死即已死即舉大名耳

索隱大名謂大名稱也

王侯將相

寧有種乎徒屬皆曰敬受命乃詐稱公子扶蘇項燕從

民欲也袒右稱大楚為壇而盟祭以尉首陳勝自立為

將軍吳廣為都尉攻大澤鄉收而攻蕪蕪下

索隱蕪音機又音祈

縣名屬沛郡下者降也謂以兵臨蕪而即降也

乃令符離人葛嬰將兵徇蕪以

東

索隱韋昭云符離屬沛郡李奇云徇略也音辭峻反

攻鉅野苦柞譙皆下之

集解

徐廣曰苦柘屬陳餘皆在沛也

行收兵北至陳

索隱地理志陳縣屬淮陽

車六七百

乘騎千餘卒數萬人攻陳

正義今陳州城也本楚襄王築古陳國城也

陳守

令皆不在

索隱張晏云郡守縣令皆不在非也地理志及秦三十六郡並無陳郡則陳止是縣今言

守令則守非官也與下獨守丞與戰譙門中

索隱蓋謂陳縣之城

門一名麗譙故曰譙門中非上譙縣之門也譙縣守前已下故

弗勝守丞死乃入據陳

數日號令召三老豪桀與皆來會計事三老豪桀皆曰

將軍身被堅執銳伐無道誅暴秦復立楚國之社稷功

宜為王陳涉乃立為王號為張楚

索隱李奇云欲張大楚國故稱張楚也

當此時諸郡縣苦秦吏者皆刑其長吏殺之以應陳涉
乃以吳叔為假王監諸將以西擊滎陽令陳人武臣張
耳陳餘徇趙地令汝陰人鄧宗徇九江郡當時楚兵
數十人為聚者不可勝數葛嬰至東城立襄彊為楚王

索隱東城縣名地理志屬九江正義括地志
云東城故城在濠州定遠縣東南五十里也嬰後聞陳

王已立因殺襄彊還報至陳陳王誅殺葛嬰陳王令魏

人周市北徇魏地吳廣圍滎陽李由為三川守

索隱三川今洛

陽也地有伊洛河故曰三川秦曰
三川漢曰河南郡李由李斯子也

守滎陽吳叔弗能下

陳王徵國之豪傑與計以上蔡人房君蔡賜為上柱國

集解駟案漢書音義曰房君官號也姓蔡名賜瓚曰房邑君也索隱房邑也爵之於房號曰房君晉灼按張耳

傳言相國房君者蓋誤爾涉初號楚因楚有柱國之官故以官蔡賜蓋其時草創亦未置相國之官也正義豫

州吳房縣本房子國是所封也周文陳之賢人也集解文穎曰即周章嘗為項燕

軍視日集解如淳曰視日時吉凶舉事春申君自言習動之占也司馬季主為日者

兵陳王與之將軍印西擊行收兵至關車千乘卒數十

萬至戲軍焉正義即京東戲亭也秦令少府章邯免酈山徒人奴

產子集解服虔曰家人之產奴也索隱小顏云猶今言家產奴也悉發以擊楚大軍

盡敗之周文敗走出關止次曹陽二三月

索隱晉灼云亭名也在弘

農東十三里小顏云曹水之陽也其水出陝縣西南峴頭山北流入河魏武帝改為好陽也正義括地志云曹

陽故亭亦名好陽亭在陝州桃林縣東南十四里崔浩云曹陽坑名自南出北通於河按魏武帝改曰好陽也

章邯追敗之復走次澠池十餘日

正義澠池河正義澠池河章邯擊

大破之周文自到軍遂不戰

集解徐廣曰十一月也索隱越系家勾踐使罪人三

行屬劍於頸曰不敢逃刑乃自

武臣到邯鄲自立為趙

王陳餘為大將軍張耳召騷為左右丞相陳王怒捕繫

武臣等家室欲誅之柱國曰秦未亡而誅趙王將相家

屬此生一秦也不如因而立之陳王乃遣使者賀趙而

徙繫武臣等家屬宮中而封其子張敖為成都君

正義成都

蜀郡縣涉

趣趙兵亟入關

索隱趣音促謂催促也亟音棘亟急也

趙王將

相相與謀曰王王趙非楚意也楚已誅秦必加兵於趙

計莫如毋西兵使使北徇燕地以自廣也趙南據大河

北有燕代楚雖勝秦不敢制趙若楚不勝秦必重趙趙

乘秦之弊可以得志於天下趙王以為然因不西兵而

遣故上谷卒史韓廣將兵北徇燕地燕故貴人豪傑謂

韓廣曰楚已立王趙又已立王燕雖小亦萬乘之國也

願將軍立為燕王韓廣曰廣母在趙不可燕人曰趙方西憂秦南憂楚其力不能禁我且以楚之彊不敢害趙

王將相之家趙獨安敢害將軍之家韓廣以為然乃自

立為燕王居數月趙奉燕王母及家屬歸之燕當此之

時諸將之徇地者不可勝數周市北徇地至狄集解徐廣曰今

之臨狄人田儋殺狄令自立為齊王以齊反擊周市市

軍散還至魏地欲立魏後故寧陵君咎為魏王集解應劭曰魏

諸公子名咎欲立六國後以樹黨索隱晉灼云寧陵今在梁國按今梁國有寧陵縣是字轉異爾正義括地志云宋州寧陵縣城古寧陵城也時咎在陳王所不得之魏魏地已定欲

相與立周市為魏王周市不肯使者五反陳王乃立寧陵君咎為魏王遣之國周市卒為相將軍田臧等相與謀曰周章軍已破矣秦兵旦暮至我圍滎陽城弗能下

秦軍至必大敗不如少遣兵足以守滎陽

索隱遺作遺遺謂留餘也

悉精兵迎秦軍今假王驕不知兵權不可與計非誅之事恐敗因相與矯王令以誅吳叔獻其首於陳王陳王

使使賜田臧楚令尹卬使為上將田臧乃使諸將李歸

等守滎陽城自以精兵西迎秦軍於敖倉與戰田臧死

軍破章邯進兵擊李歸等滎陽下破之李歸等死陽城

人鄧說將兵居郟

索隱地理志云陽城縣屬潁川說音悅凡人名皆音悅郟音談小顏云郟

東海之縣名非也按章邯軍此時未至東海此郟別是地名或恐郟當作郟郟是郟廓之地或者是陝陝字邑

或在右見下有東海郟縣故誤也正義屬海州疑郟當作郟音紀洽反郟即春秋時郟地楚郟教葬之今汝州

郟縣城是鄧悅是陽城人陽城河南府縣與郟城縣相近又走陳蓋郟字誤作郟耳章邯別將擊

破之鄧說軍散走陳銍人伍徐

集解徐廣曰一作逢索隱地理志銍縣名屬沛

漢書作將兵居許正義括地志云許州許昌縣本漢許縣地理志云許縣故國姜姓四岳之

伍逢後大叔所封二十四君為楚所滅漢以為縣魏文帝即位改許曰許昌也章邯擊破之伍徐

軍皆散走陳陳王誅鄧說陳王初立時陵人秦嘉集解案

地理志泗水國有陵縣也鉅人董緹符離人朱雞石取慮人鄭布索隱

地理志取慮縣名屬臨淮音徐人丁疾等皆特起將兵

圍東海正義今海州也守慶於郟陳王聞乃使武平君畔為將

軍集解張晏曰畔名也監郟下軍秦嘉不受命嘉自立為大司馬

惡屬武平君告軍吏曰武平君年少不知兵事勿聽因

矯以王命殺武平君畔章邯已破伍徐擊陳柱國房君

死章邯又進兵擊陳西張賀軍陳王出監戰軍破張賀

死臘月集解張晏曰秦之臘月夏之九月瓚曰建丑之月也索隱顏遊秦云按史記表二世十月誅葛

嬰十一月周文死十二月陳涉死瓚說是也宗懷荆楚記云臘節在十二月故因是謂之臘月也陳王

之汝陰還至下城父索隱按舊讀以陳王從汝陰還至城父縣因降下之故云還至下城

父又顧氏按郡國志山桑縣有下城父聚在城父縣東下讀如字其說為得之其御莊賈殺以

降秦陳勝葬碣正義音唐今宋謚曰隱王陳王故涓人

將軍呂臣集解應劭曰涓人知謁者將軍姓呂名臣也

晉灼曰呂氏春秋荆柱國莊伯令謁者駕令

涓人取冠索隱涓音公玄反服虔云給通如今謁者

為倉頭軍起新陽

集解徐廣曰在汝南

也索隱韋昭云軍皆著青帽故曰倉頭正義括地志云

新陽故城在豫州真陽縣西南四十二里漢新陽縣城

應劭云在新水之陽也

攻陳下之殺莊賈復以陳為楚

索隱為如字讀謂以

陳地為楚國

初陳王至陳令銍人宋留將兵定南陽入武關

留已徇南陽聞陳王死南陽復為秦宋留不能入武關

乃東至新蔡遇秦軍宋留以軍降秦秦傳留至咸陽車

裂留以徇秦嘉等聞陳王軍破出走乃立景駒為楚王

集解徐廣曰正引兵之方與

正義房預二音方與兗州縣也

欲擊秦軍

定陶下

正義今曹州也

使公孫慶使齊王欲與并力俱進齊王

曰聞陳王戰敗不知其死生楚安得不請而立王公孫

慶曰齊不請楚而立王楚何故請齊而立王且楚首事

當令於天下田儋誅殺公孫慶秦左右校

索隱即左右校尉軍也

復攻陳下之呂將軍走收兵復聚鄱盜

集解駢案鄱音婆英布居江中

為羣盜陳勝之起布歸番君吳芮故謂之鄱盜者也

當陽君黥布之兵相收復擊

秦左右校破之青波

集解駢案漢書音義曰地名也

復以陳為楚會項

梁立懷王孫心為楚王陳勝王凡六月已為王王陳其

故人嘗與傭耕者聞之之陳扣宮門曰吾欲見涉宮門

令欲縛之自辨數乃置

集解晉灼曰數音朋友數斯疏矣索隱數音疎主反謂自辨說

數與涉有故舊事驗也又音朔數謂自辨往數與涉有故也

不肯為通陳王出遮道

而呼涉陳王聞之乃召見載與俱歸入宮見殿屋帷帳

客曰夥頤涉之為王沈沈者

集解應劭曰沈沈宮室深邃之貌也沈音長含反含

一作金索隱服虔云楚人謂多為夥又言頤者助聲之辭也謂涉為王宮殿帷帳其物夥多驚而偉之故稱夥頤也劉伯莊以沈沈猶潭潭謂楚人呼為沈沈猶俗云潭潭深也楚人謂多為夥故天

下傳之夥涉為王由陳涉始客出入愈益發舒言陳王

故情或說陳王曰客愚無知顓妄言輕威陳王斬之諸

陳王故人皆自引去由是無親陳王者

索隱顧氏引孔叢子云陳勝為

王妻之父兄往焉勝以衆賓待之妻父怒云怙號而傲長者不能久焉不辭而去是其事類也陳王以

朱房為中正胡武為司過主司羣臣諸將徇地至今之

不是者繫而罪之以苛察為忠其所不善者弗下吏輒

自治之

索隱謂朱房胡武等以素所不善者即自驗問不往下吏也

陳王信用之諸

將以其故不親附此其所以敗也陳勝雖已死其所置

遣侯王將相竟亡秦由涉首事也高祖時為陳涉置守

家三十家碣至今血食

褚先生曰

集解徐廣曰一作太史公駟案班固奏事云太史遷取賈誼過秦上下篇以為秦始

皇本紀陳涉世家下贊文然則言褚先生者非也索隱徐廣裴駘據所見別本及班彪奏事皆云合作太史公今據此是褚先生述史記加此贊首地形險阻數句然後始稱賈生之言因即改太史公之目而自題已位號也已下地形險阻所以為固也兵革刑法義並見始皇本紀

所以為治也猶未足恃也夫先王以仁義為本而以固塞文法為枝葉豈不然哉吾聞賈生之稱曰秦孝

公據殽函之固

集解韋昭曰殽謂二殽函函谷關也

擁雍州之地君臣

固守以窺周室有席卷天下包舉宇內囊括四海之意并吞八荒之心當是時也商君佐之內立法度務耕織脩守戰之備外連衡而鬪諸侯於是秦人拱手而取西河之外孝公既沒惠文王武王昭王蒙故業因遺策南取漢中西舉巴蜀東割膏腴之地收要害之郡諸侯恐懼會盟而謀弱秦不愛珍器重寶肥饒之地以致天下之士合從締交相與為一當此之時齊有孟嘗趙有平原楚有春申魏有信陵此四君者

皆明知而忠信寬厚而愛人尊賢而重士約從連衡

兼韓魏燕趙宋衛中山之衆於是六國之士有寧越

徐尚蘓秦杜赫之屬為之謀齊明周最正義音聚陳軫邵

滑

正義邵作昭

樓緩翟景蘓屬樂毅之徒通其意吳起孫

臚帶他兒良王廖田忌廉頗趙奢之倫制其兵嘗以

什倍之地百萬之師仰關而攻秦

索隱仰字亦作仰並音仰謂秦地形

高故並仰向關門而攻秦有作叩字非也

秦人開關而延敵九國之師遁

逃而不敢進

索隱九國者謂六國之外更有宋衛中山

秦無亡矢遺鏃之

費而天下固已困矣於是從散約敗爭割地而賂秦

秦有餘力而制其弊追亡逐北伏尸百萬流血漂櫓

索隱說文云櫓大楫也

因利乘便宰割天下分裂山河彊國請

服弱國入朝施及孝文王莊襄王享國之日淺國家

無事及至始皇奮六世之餘烈振長策而御宇內吞

二周而亡諸侯履至尊而制六合執敲朴以鞭笞天

下

索隱臣瓚云短曰敲長曰朴

威振四海南取百越之地以為桂

林象郡百越之君俛首繫頸委命下吏乃使蒙恬北

築長城而守藩籬却匈奴七百餘里胡人不敢南下

而牧馬士亦不敢貫弓而報怨

索隱貫音烏還反又如字貫謂上絃也

於是廢先王之道燔百家之言以愚黔首墮名城殺

豪俊收天下之兵聚之咸陽銷鋒鋦

集解徐廣鑄以曰一作鐫鑄以

為金人十二

索隱各重千石坐高二丈號曰翁仲

以弱天下之民然後

踐華為城因河為池據億丈之城臨不測之谿以為

固良將勁弩守要害之處信臣精卒陳利兵而誰何

索隱猶今巡更問何誰也

天下已定始皇之心自以為關中之固

金城千里子孫帝王萬世之業也始皇既沒餘威振

於殊俗然而陳涉瓮牖繩樞之子眊隸之人

集解徐廣曰田

民曰眊音亡更反

而遷徙之徒也材能不及中人非有仲尼

墨翟之賢陶朱猗頓之富也躡足行伍之間俛仰仟

佰之中

索隱仟佰謂千人百人之長也漢書作仟陌如淳云時皆僻屈在仟陌之中陌音貌

率

罷散之卒將數百之衆而轉攻秦斬木為兵揭竿為

旗天下雲會響應贏糧而景從山東豪俊遂並起而

亡秦族矣且天下非小弱也雍州之地殽函之固自

若也陳涉之位非尊於齊楚燕趙韓魏宋衛中山之

君也鉏耰棘矜非銛於句戟長鎩也

索隱鉏耰謂鉏木也論語曰耰

而不輟是也棘戟也矜戟柄音勤

適戍之衆非儔於九國之師也深

謀遠慮行軍用兵之道非及鄉時之士也

索隱鄉音香亮反鄉

時猶往時也蓋謂孟嘗信陵蘓秦陳軫之比也

然而成敗異變功業相反也

嘗試使山東之國與陳涉度長絜大

索隱絜音下結反謂如結束知

其大也比權量力則不可同年而語矣然而秦以區區

之地致萬乘之權抑八州而朝同列

索隱謂秦強而抑八州使朝已

也漢書作招
八州亦通

百有餘年矣然後以六合為家穀函為

宮一夫作難而七廟墮身死人手為天下笑者何也

仁義不施而攻守之勢異也

索隱施音式豉反言秦
虎狼之國其仁心不施

及於天下
故亡也

索隱迷贊曰天下匈匈海內乏主倚鹿爭捷瞻烏爰
處陳勝首事厥號張楚鬼怪是憑鴻鵠自許葛嬰東
下周文西拒始親朱房又任胡武夥頤
見殺腹心不與莊賈何人反噬城父

史記卷四十八

史記卷四十八考證

陳涉世家高祖時為陳涉置守冢三十家○高祖紀作
十家

史記卷四十八考證

欽定四庫全書薈要卷三千六百二十七

史部

史記卷四十九

漢 太 史 令司馬遷 撰

宋中郎外兵曹參軍裴駟集解

唐國子博士弘文館學士司馬貞索隱

唐諸王侍讀率府長史張守節正義

外戚世家第十九

索隱外戚紀后妃也后族亦代有封爵故也漢書則編之列傳中王隱則謂之紀而在列傳之

首

自古受命帝王及繼體守文之君

索隱繼體謂非創業之主而是嫡子繼先

帝之正體而立者也守文者猶法也謂非受命創制之君但守先帝法度為之主爾非獨內德茂

也蓋亦有外戚之助焉

索隱謂非獨君德於內茂盛亦有賢后妃外戚之親以助教化

也夏之興也以塗山

索隱韋昭云塗山國名禹所娶在今九江應劭曰九江當塗有禹墟

大戴禮云禹娶塗山氏之女嬌生啟也

而桀之放也以末喜

索隱國語桀伐有施有施人以

末喜女焉集解韋昭曰有施喜姓之國末喜其女也

殷之興也以有娥

索隱有娥國名其女簡狄

吞燕卵而生契故詩云天

紂之殺也嬖妲己

索隱國語殷辛伐有蘇有

蘓氏以姐已女焉按有蘓國也己周之興也以姜原及

大任

索隱系本云帝嚳上妃有邠氏之女曰姜原鄭玄箋詩云姜姓姬名履大人跡生后稷大任文王之

母故詩云摯仲氏任毛詩云摯國任姓之中女也

而幽王之禽也淫於褒如隱

國語曰幽王伐有褒有褒人以褒如女焉按褒是國名如是其姓即龍箴之子褒人育而以女於幽王也然此

文自夏之興至褒如皆是史蘓之詞見國語及列女傳

故易基乾坤詩始關雎書

美釐降春秋譏不親迎

索隱公羊紀裂縵來逆女傳曰外逆女不書此何以書譏何譏

爾始不親迎也夫婦之際人道之大倫也禮之用唯婚姻為兢兢

兢夫樂調而四時和陰陽之變萬物之統也

索隱以言若樂聲調

能令四時和而陰陽變陰陽變則能生萬物是陰陽即夫婦也夫婦道和而能化生萬物萬物人為之本故云

萬物之可不慎與人能弘道無如命何甚哉妃匹之愛

索隱妃音君不能得之於臣索隱以言夫婦親愛之情雖君父之尊而不奪臣子

所好愛使移其本意是不能得也故曰匹夫不可奪志也父不能得之於子况卑下

乎既驩合矣或不能成子姓索隱鄭玄註禮記云姓者子姓謂衆孫也即趙飛薦

等是能成子姓矣或不能要其終索隱按謂有始不能要其終也以言雖有

子姓而意不能要終如栗姬衛后等是也豈非命也哉孔子罕稱命蓋難言

之也非通幽明之變惡能識乎性命哉索隱惡音烏猶於何也

太史公曰秦以前尚略矣其詳靡得而記焉漢興呂娥

姁

集解徐廣曰姁音況羽反呂后姊字長姁索隱娥姁呂后字按漢書小顏云呂后名雉字娥姁

為高

祖正后男為太子及晚節色衰愛弛而戚夫人有寵索隱

漢書云得定陶戚姬

其子如意幾代太子者數矣及高祖崩呂氏

夷戚氏誅趙王而高祖後宮唯獨無寵疎遠者得無恙

索隱爾雅云恙憂也一說古者野居露宿恙噬人蟲也故人相恤云得無恙乎

呂后長女為宣

平侯張敖妻敖女為孝惠皇后

索隱皇甫謐云名媽

呂太后以重

親故欲其生子萬方終無子詐取後宮人子為子及孝

惠帝崩天下初定未久繼嗣不明於是貴外家王諸呂

以為輔而以呂祿女為少帝后欲連固根本牢甚然無

益也高后崩合葬長陵

集解駟案關中記曰高祖陵在西呂后陵在東漢帝后同塋則

為合葬不合陵也諸陵皆如此祿產等懼誅謀作亂大臣征之天誘其

統

集解徐廣曰一作表卒滅呂氏唯獨置孝惠皇后居北宮

索隱在未央

央北故曰北宮正義括地志云北宮在雍州長安縣西北十三里與桂宮相近在長安故城中

迎立代

王是為孝文帝奉漢宗廟此豈非天耶非天命孰能當

之

薄太后父吳人姓薄氏秦時與故魏王宗家女魏媼通

索隱媼音烏老反然媼是婦人之老者通號生薄姬而

薄父死山陰因葬焉索隱顧氏按冢墓記薄父冢在會稽縣西北襟山上今猶有兆域襟

音莊洽反正義括地志云檇山在越州會稽縣西北三里一名稷山檇音莊洽反及諸侯畔秦

魏豹立為魏王而魏媼內其女於魏宮媼之許負所相

相薄姬云當生天子是時項羽方與漢王相距滎陽天

下未有所定豹初與漢擊楚及聞許負言心獨喜因背

漢而畔中立更與楚連和漢使曹參等擊虜魏王豹以

其國為郡而薄姬輸織室豹已死漢王入織室見薄姬

有色詔內後宮歲餘不得幸始姬少時與管夫人趙子

兒相愛約曰先貴無相忘已而管夫人趙子兒先幸漢

王漢王坐河南宮成臯臺

索隱按是河南宮之成臯臺漢書作成臯靈臺西征記云

武牢城內有高祖殿西南有武庫也正義括地志云洛州汜水縣古東魏州故鄭之制邑漢之成臯縣也此

兩美人相與笑薄姬初時約漢王聞之問其故兩人具

以實告漢王漢王心慘然憐薄姬是日召而幸之薄姬

曰昨暮夜妾夢蒼龍據吾腹高帝曰此貴徵也吾為女

遂成之一幸生男是為代王其後薄姬希見高祖高祖

崩諸御幸姬戚夫人之屬呂太后怒皆幽之不得出宮

而薄姬以希見故得出從子之代為代王太后太后弟

薄昭從如代代王立十七年高后崩大臣議立後疾外

家呂氏彊皆稱薄氏仁善故迎代王立為孝文皇帝而

太后改號曰皇太后弟薄昭封為軹侯

索隱地理志云軹縣在河內恐

地遠非其封案長安東有軹道亭或當是所封也

薄太后母亦前死葬櫟陽北

於是乃追尊薄父為靈文侯會稽郡置園邑三百家長

丞已下吏奉守家寢廟上食祠如法而櫟陽北亦置靈
文侯夫人園如靈文侯園儀薄太后以為母家魏王後
早失父母其奉薄太后諸魏有力者於是召復魏氏及
尊賞賜各以親疏受之薄氏侯者凡一人薄太后後文
帝二年以孝景帝前二年崩葬南陵索隱按廟記云在霸陵南十里故謂
之南陵按今在長安東漚水東原上名曰少陰在霸陵
西南故曰東望吾子西望吾夫是也正義括地志云南
陵故縣在雍州萬年縣東南二十四里漢南以呂后會
陵縣本薄太后陵邑陵在東北去縣六里

葬長陵故特自起陵近孝文皇帝霸陵

集解徐廣曰霸陵縣有軹道亭

竇太后

索隱皇甫謐云名倚房

趙之清河觀津人也

正義在冀州棗強縣東北

二十里

呂太后時竇姬以良家子入宮侍太后太后出宮

人以賜諸王各五人竇姬與在行中竇姬家在清河欲

如趙近家請其主遣宦者吏

正義謂宦者為吏主發遣宮人也

必置我

籍趙之伍中宦者忘之誤置其籍代伍中籍奏詔可當

行竇姬涕泣怨其宦者不欲往相彊乃肯行至代代王

獨幸竇姬生女嫖

索隱嫖音足消反

後生兩男而代王王后生

四男先代王未入立為帝而王后卒後代王立為帝而

王后所生四男更病死孝文帝立數月公卿請立太子

而竇姬長男最長立為太子立竇姬為皇后女嫖為長

公主其明年立少子武為代王已而又徙梁是為梁孝

王竇皇后親早卒葬觀津

索隱摯虞注決錄云竇太后父少遭秦亂隱身漁釣墜泉

而死景帝立太后遣使者填父所墜淵起大墳於觀津城南人閒號為竇氏青山正義括地志云竇少君墓在

冀州武邑縣東南二十七里

於是薄太后乃詔有司追尊竇后父為

安成侯母曰安成夫人令清河置園邑二百家長丞奉

守比靈文園法竇皇后兄竇長君

索隱決錄云建字長君

弟曰竇

廣國字少君少君年四五歲時家貧為人所略賣其家不知其處傳十餘家至宜陽為其主入山作炭寒臥岸下百餘人岸崩盡壓殺臥者少君獨得脫不死自卜數日當為侯從其家之長安

索隱謂從逐其宜陽之主人家而皆往長安為居也

聞

竇皇后新立家在觀津姓竇氏廣國去時雖小識其縣名及姓又常與其姊採桑墮用為符信上書自陳竇皇后言之於文帝召見問之具言其故果是又復問他何以為驗對曰姊去我西時與我決於傳舍中

索隱決別也傳音轉

傳舍謂郵亭傳置之舍蓋竇后初丐沐沐我索隱丐音

乞潘為弟沐也謂請食飯我乃去於是竇后持之而泣泣

涕交橫下侍御左右皆伏地泣助皇后悲哀乃厚賜田

宅金錢封公昆弟家於長安

索隱公亦祖也謂皇后同祖之昆弟如竇嬰即皇后

從昆弟子之比亦得家於長安絳侯灌將軍等曰吾屬

不死命乃且縣此兩人兩人所出微不可不為擇師傅

賓客又復效呂氏大事也於是乃選長者士之有節行

者與居竇長君少君由此為退讓君子不敢以尊貴驕

人竇皇后病失明文帝幸邯鄲慎夫人尹姬皆母子孝

文帝崩孝景帝立乃封廣國為章武侯

索隱地理志縣名屬勃海正義

括地志云滄州魯城縣

長君前死封其子彭祖為南皮侯

索隱地理志縣

名屬勃海正義括地志云故南皮城在滄州南皮縣北四里漢南皮縣也

吳楚反時竇太后

從昆弟子竇嬰任俠自喜將兵以軍功為魏其侯

索隱地理

志縣名屬琅邪

竇氏凡三人為侯竇太后好黃帝老子言帝及

太子諸竇不得不讀黃帝老子尊其術竇太后後孝景

帝六歲建元六年崩

索隱當武帝建元六年此文是也而漢書作元光誤也

合葬

霸陵遺詔盡以東宮金錢財物賜長公主嫖

王太后槐里人

索隱皇甫謐云后名姁音志地理志右扶風槐里本名廢丘正義括地志云太

丘故城一名槐里亦曰廢丘城在雍州始平縣東南十里也

母曰臧兒臧兒者故燕

王臧荼孫也臧兒嫁為槐里王仲妻生男曰信與兩女

索隱即后及兒姁也

而仲死臧兒更嫁長陵田氏生男蚡勝臧兒

長女嫁為金王孫婦生一女矣而臧兒卜筮之曰兩女

皆當貴因欲竒兩女

索隱竒者異之也漢書作倚倚依也

乃奪金氏金氏

怒不肯予決乃內之太子宮太子幸愛之生三女一男

男方在身時王美人夢日入其懷以告太子太子曰此

貴徵也未生而孝文帝崩孝景帝即位王夫人生男

索隱

即武帝也漢武故事云帝以乙酉年七月七日生於猗蘭殿也

先是臧兒又八其少女

兒姁

索隱姁音况羽反

兒姁生四男

索隱謂廣川王越膠東王寄清河王舜常山王憲也

景帝為太子時薄太后以薄氏女為妃及景帝立立妃

曰薄皇后皇后母子母寵薄太后崩廢薄皇后景帝長

男榮其母栗姬栗姬齊人也立榮為太子長公主嫖有

女欲予為妃栗姬妬而景帝諸美人皆因長公主見景

帝得貴幸皆過栗姬

索隱過音戈謂踰之

栗姬日怨怒謝長公主

不許長公主欲予王夫人王夫人許之長公主怒而日

讒栗姬短於景帝曰栗姬與諸貴夫人幸姬會常使侍

者祝唾其背挾邪媚道景帝以故望之

索隱望猶責望謂恨之也

景

帝嘗體不安心不樂屬諸子為王者於栗姬曰百歲後

善視之栗姬怒不肯應言不遜景帝恚心嫌之而未發

也

索隱嫌音銜漢書作銜銜猶恨也

長公主日譽王夫人男之美景帝

亦賢之又有曩者所夢日符計未有所定王夫人知帝

望栗姬因怒未解陰使人趣大臣立栗姬為皇后大行

奏事畢

索隱大行禮官行音衡

曰子以母貴母以子貴

索隱此皆公羊傳之

文也今太子毋號宜立為皇后景帝怒曰是而所宜言

邪遂案誅大行而廢太子為臨江王栗姬愈恚恨不得

見以憂死卒立王夫人為皇后其男為太子封皇后兄

信為蓋侯

索隱地理志縣名屬太山

景帝崩太子襲號為皇帝尊皇

太后母臧兒為平原君

正義德州縣也

封田蚡為武安侯

索隱地理

志縣名屬魏郡正義括地志云武安故城在洺州武安縣西南七里六國時趙邑漢武安縣城也

勝為

周陽侯

索隱地理志縣名屬上郡正義括地志云周陽故城在絳州聞喜縣東二十九里也

景帝

十三男一男為帝十二男皆為王而兒姁早卒其四子

皆為王王太后長女號曰平陽公主

正義括地志云平陽故城即晉州城

西面今平陽故城東面也城記云堯築也

次為南宮公主

正義南宮冀州縣也

次為林

慮公主

索隱林慮縣名屬河内本名隆慮避殤帝諱改名林慮慮音廬正義林慮相州縣也

蓋侯

信好酒田蚡勝貪巧於文辭王仲早死葬槐里追尊為

共侯置園邑二百家及平原君卒從田氏葬長陵置園

比共侯園而王太后後孝景帝十六歲以元朔四年崩

合葬陽陵

正義括地志云陽陵在雍州咸陽縣東四十里

王太后家凡三人為

侯

衛皇后字子夫生微矣蓋其家號曰衛氏

正義衛青傳云父鄭季為

吏給事平陽侯家與侯妾衛媼通生青故冒衛氏

出平陽侯邑

集解徐廣曰平陽侯曹壽尚平

陽公子夫為平陽主謳者武帝初即位數歲無子平陽

主求諸良家子女十餘人飾置家武帝被

集解徐廣曰三月上巳臨

水被除謂之禊呂后本紀亦云三月被還過軹道蓋與游字相似故或定之也索隱小顏被音廢今亦音拂謂

被禊之遊水自潔故云被除也

霸上還因過平陽主主見所侍美人

上弗說既飲謳者進上望見獨說衛子夫是日武帝起

更衣子夫侍尚衣軒中得幸

正義尚主也於主衣車中得幸也

上還坐

驪甚賜平陽王金千斤主因奏子夫奉送入宮子夫上

車平陽主拊其背曰行矣彊飯勉之即貴無相忘入宮

歲餘竟不復幸武帝擇宮人不中用者斥出歸之衛子

夫得見涕泣請出上憐之復幸遂有身尊寵日隆召其

兄衛長君弟青為侍中而子夫後大幸有寵凡生三女

一男

索隱三女謂諸邑石邑及衛長公主後封為當利公主也

男名據

索隱即成太子

初上

為太子時娶長公主女為妃立為帝妃立為皇后姓陳

氏索隱漢武故事云后名阿嬌即長公主嫖女也無子

上之得為嗣大長公主有力焉集解徐廣曰即景帝姁嫖也以故陳

皇后驕貴聞衛子夫大幸恚幾死者數矣上愈怒陳皇

后挾婦人媚道其事頗覺於是廢陳皇后索隱漢書云女子楚服等

坐為皇后呪詛大逆無道相連誅者三百餘人乃廢后居長門宮故司馬相如賦云陳皇后別在長門宮愁悶

悲思奉黃金百斤為相如取酒乃為作頌以奏而立衛

子夫為皇后陳皇后母大長公主景帝姊也數讓武帝

姊平陽公主曰帝非我不得立已而棄捐吾女壹何不
自喜而倍本乎平陽公主曰用無子故廢耳陳皇后求
子與醫錢凡九千萬然竟無子衛子夫已立為皇后先
是衛長君死乃以衛青為將軍擊胡有功封為長平侯
索隱地理志青三子在襁褓中皆封為列侯及衛皇后
縣名屬汝南

所謂姊衛少兒少兒生子霍去病以軍功封冠軍侯

索隱

地理志冠號驃騎將軍青號大將軍立衛皇后子據為

軍屬河陽

太子衛氏枝屬以軍功起家五人為侯及衛后色衰趙

之王夫人幸有子為齊王

索隱名閼

王夫人早卒而中山李

夫人有寵有男一人為昌邑王

索隱名膊正義名賀

李夫人早卒

索隱李延年之女弟漢書云帝悼之李少翁致其形帝為作賦

其兄李延年以音幸號

協律協律者故倡也兄弟皆坐姦族是時其長兄廣利

為貳師將軍伐大宛不及誅還而上既夷李氏後憐其

家乃封為海西侯

正義漢武帝令李廣利征大宛國近西海故號海西侯也

他姬子

二人為燕王廣陵王

索隱漢書云李姬生廣陵王胥燕王旦也

其母無寵以

憂死及李夫人卒則有尹婕妤之屬更有寵然皆以倡

見非王侯有土之女士不可以配人主也

褚先生曰

正義疑此元成之間褚少孫續之也

臣為郎時聞習漢家故

事者鍾離生曰王太后在民間時所生子女者

集解徐廣

曰名俗正義按後封修成君者

父為金王孫王孫已死景帝崩後武

帝已立王太后獨在而韓王孫名嬀素得幸武帝承

間白言太后有女在長陵也武帝曰何不早言乃使

使往先視之在其家武帝乃自往迎取之蹕道先驅

旄騎出橫城門

集解如淳曰橫音光三輔黃圖云北門西頭門正義括地志云渭橋本名

橫橋架渭水上在雍州咸陽縣東南二十二里按此橋對門也乘輿馳至長陵當小

市西入里里門閉暴開門乘輿直入此里通至金氏

門外止使武騎圍其宅為其亡走身自往取不得也

即使左右羣臣入呼求之家人驚恐女亡匿內中牀

下扶持出門令拜謁武帝下車泣曰噉索隱烏百反蓋怯之辭爾

正義噉責失聲驚愕貌也大姊何藏之深也詔副車載之迴車馳

還而直入長樂宮行詔門著引籍正義武帝道上詔令通名狀於門使

引入至太后所通到謁太后太后曰帝倦矣何從來帝曰今

者至長陵得臣姊與俱來顧曰謁太后太后曰女某

邪曰是也太后為下泣女亦伏地泣武帝奉酒前為

壽奉錢千萬奴婢三百人公田百頃甲第以賜姊太

后謝曰為帝費焉於是召平陽主南宮主林慮主三

人俱來謁見姊因號曰修成君有子男一人女一人

男號為修成子仲

索隱金氏之甥修成君之子也而名仲者與帝外祖王氏同字恐非

也女為諸侯王王后

集解徐廣曰嫁為淮南王安太子妃也

此二子非

劉氏以故太后憐之修成子仲驕恣陵折吏民皆患

苦之

衛子夫立為皇后弟衛青字仲卿以大將軍封為

長平侯四子長子伉為侯世子侯世子常侍中貴幸

其三弟皆封為侯各千三百戶一曰陰安侯

索隱名不疑地

理志陰安縣名屬魏郡正義括地志云陰安故城在魏州頓丘縣北六十里也

二曰發干侯

索隱名登地理志發干縣名屬東郡正義括地志云發干故城在博州堂邑縣西南二十三里

三曰

宜春侯

索隱名伉地理志宜春縣名屬汝南正義括地志云宜春故城在豫州汝陽縣西六十七

里貴震天下天下歌之曰生男無喜生女無怒獨不

見衛子夫霸天下是時平陽主寡居當用列侯尚主
主與左右議長安中列侯可為夫者皆言大將軍可
主笑曰此出吾家常使令騎從我出入爾奈何用為
夫乎左右侍御者曰今大將軍姁為皇后三子為侯
富貴振動天下主何以易之乎於是主乃許之言之
皇后令白之武帝乃詔衛將軍尚平陽公主焉

褚先生曰丈夫龍變傳曰蛇化為龍不變其文家化
為國不變其姓丈夫當時富貴百惡滅除光耀榮華

貧賤之時何足累之哉

武帝時幸夫人尹婕妤

索隱韋昭云婕承好助也一云美好也聲類云幸也字亦

從女漢舊儀云皇后為婕妤下與禮比丞相

邢夫人號姪娥衆人謂之姪

何

索隱服虔云姪音近妍徐廣音五耕反鄒誕生音莖字林音五經反說文解字云姪長也好也許慎

云秦晉之間謂好為姪又方言云美好謂之姪娥漢舊儀云姪娥秩比將軍御史大夫

姪何秩

比中二千石

索隱崔浩云中猶滿也漢制九卿已上秩一歲滿二千斛又漢官儀云中二千

石俸月百八十斛

容華秩比二千石

索隱二千石是郡守之秩漢官儀云其俸月百

二十斛又有真二千石者如淳云諸侯王相在郡守上秩真二千石漢律真二千石俸月二萬按是二萬

斛則二萬斗亦是二千石也崔浩云列卿已上秩石皆正二千石則是真二千石也其云中二千石亦不滿二千蓋千八九百爾此崔氏說今兼引而解之婕妤秩比列侯常從婕妤

遷為皇后尹夫人與邢夫人同時並幸有詔不得相見尹夫人自請武帝願望見邢夫人帝許之即令他夫人飾從御者數十人為邢夫人來前尹夫人前見之曰此非邢夫人身也帝曰何以言之對曰視其身貌形狀不足以當人主矣於是帝乃詔使邢夫人衣故衣獨身來前尹夫人望見之曰此真是也於是乃

低頭俛而泣自痛其不如也諺曰美女入室惡女之仇

褚先生曰浴不必江海要之去垢馬不必騏驎要之善走士不必賢世要之知道女不必貴種要之貞好傳曰女無美惡入室見妬士無賢不肖入朝見嫉美女者惡女之仇豈不然哉

鈎弋夫人姓趙氏河間人也

索隱漢書云武帝過河間望氣者言此有奇女

天子亟使使召之女兩手皆拳上自披之手即伸由是得幸號曰拳夫人後居鈎弋宮號曰鈎弋夫人列

僊傳云發手得一玉鈎故號焉黃圖云鈎弋宮在城外漢武故事云宮在直門南廟記云宮有千門萬戶不可記其名也昭帝即位追尊太后父趙父為順成侯正義括地志云鈎弋宮在長安城中門名堯母門也
得幸武帝生子一人昭帝是也武帝年七十乃生

昭帝昭帝立時年五歲爾

集解徐廣曰武帝崩年正七十昭帝年八歲爾索隱

此褚先生之誤漢書云元始三年生昭帝又誤按元始當作太始也

衛太子廢後未復

立太子而燕王旦上書願歸國入宿衛武帝怒立斬其使者於北闕上居甘泉宮召畫工圖畫周公負成王也於是左右羣臣知武帝意欲立少子也後數日

帝譴責鈎弋夫人夫人脫簪珥叩頭帝曰引持去送

掖庭獄夫人還顧帝曰趣行女不得活夫人死雲陽

宮

索隱三輔故事云葬甘泉宮南後昭帝起雲陵邑三千戶漢武故事云既殯香聞十里上疑非常人

發棺無尸衣履存焉正義括地志云雲陽宮秦之甘泉宮在雍州雲陽縣西北八十里秦始皇作甘泉宮去長安三百里黃帝時暴風揚塵百姓感傷使者夜

以來祭園丘處也

持棺往葬之

正義括地志云雲陽陵漢鈎弋夫人陵也在雲陽縣西北五十八里孝武帝鈎

弋趙婕妤好昭帝之母齊人姓趙少好清靜六年臥病右手捲飲食少望氣者云東北有貴人推而得之召到姿色甚佳武帝持其手伸之得玉鈎後生昭帝武帝末年殺夫人殯之而尸香一日昭帝更葬之棺但

存絲履也宮記云武帝思之為起通靈臺於甘泉常有一青鳥集臺上往來至宣帝時乃止

封識

其處其後帝閒居問左右曰人言云何左右對曰人言且立其子何去其母乎帝曰然是非兒曹愚人所知也往古國家所以亂也由主少母壯也女主獨居驕蹇淫亂自恣莫能禁也女不聞呂后邪故諸為武帝生子者無男女其母無不譴死豈可謂非賢聖哉昭然遠見為後世計慮固非淺聞愚儒之所及也諡為武宣虛哉

索隱述贊曰禮貴夫婦易叙乾坤配陽成化比月居
尊河洲降淑天曜垂軒德著任如慶流娥嫫建我炎
厯斯道克存呂權大寶寶善玄言自茲
已降立嬖以恩內無常主後嗣不繁

史記卷四十九

史記卷四十九考證

外戚世家於是廢陳皇后索隱廢后居長門宮故司馬相如賦云陳皇后別在長門宮愁悶悲思奉黃金百斤為相如取酒乃為作頌以奏皇后復親幸作頌信工也復親幸之恐非實也○臣照按復幸之說不虛但不復其位耳觀下文求子云云非復幸於帝亦何求之有

而中山李夫人有寵有男一人為昌邑王索隱名膊正

義名賀○臣照按昌邑哀王髡李夫人子也賀乃髡子入立而復廢者正義誤

而上既夷李氏後憐其家乃封為海西侯○余有丁曰匈奴太宛傳廣利封時李氏未誅後以將軍伐匈奴聞其家用巫蠱族乃降匈奴此文誤

褚先生曰○臣照按正義文則是張守節時尚無褚先生曰四字故有此注此四字後人所加

衛青四子長子伉為侯世子其三弟皆封為侯○臣照

按衛將軍傳青三子伉為宜春侯不疑為陰安侯登
為發干侯伉坐法失侯青卒乃嗣長平侯此云四子
者但見一門四侯則伉居長自當嗣侯餘三侯自各
為一弟而不知伉之一封一爵也此褚先生之誤索
隱亦只注三侯而於四子三弟之說略不置辨

史記卷四十九考證